

摘藻堂四庫全書薈要

史部

欽定四庫全書薈要卷七千一百九

史部

資治通鑑卷一百二十三 宋 司馬光 撰

胡三省 音註

宋紀五

起柔兆困敦盡重光  
大荒落凡六年

太祖文皇帝中之上

元嘉十三年春正月癸丑朔上有疾不朝會

朝直遙  
翻下同

甲寅魏主還宮 二月戊子燕王遣使入貢於魏

使疏  
翻

下請送侍子魏主不許

燕王屢請送侍子而不  
至魏主知其詐故不許

將舉兵

討之壬辰遣使者十餘輩詣東方高麗等諸國告諭之

諭以燕王之罪使不得與通或有奔逸使不得容受之也

司空江州刺史永脩公檀

道濟

漢靈帝中平中立永脩縣屬豫章郡隋開皇九年併入建昌縣

立功前朝威名甚

重左右腹心並經百戰諸子又有才氣朝廷疑畏之

直朝

遙翻帝久疾不愈劉湛說司徒義康以為宮車一日晏駕

道濟不復可制

說輸納翻復扶又翻下足復同

會帝疾篤義康言于帝

召道濟入朝其妻向氏謂道濟曰

姓譜祁姓之後為向國向式亮翻又如字

高世之勲自古所忌今無事相召禍其至矣既至留之

累月帝稍間

間如字

將遣還已下渚

道濟將還江州船已下秦淮渚

未發

會帝疾動義康矯詔召道濟入祖道因執之三月己未

下詔稱道濟潛散金貨招誘剽猾

誘音酉剽匹妙翻

因朕寢疾

規肆禍心收付廷尉并其子給事黃門侍郎植等十一

人誅之唯宥其孫孺

唯宥諸孫之在童孺者

又殺司空參軍薛彤

高進之二人皆道濟腹心有勇力時人比之關張

關羽張飛

也道濟見收憤怒目光如炬脫幘投地曰乃壞汝萬里

長城

壞音怪

魏人聞之喜曰道濟死吳子輩不足復憚

為後



魏人入寇帝  
思道濟張本

庚申大赦以中軍將軍南譙王義宣為江

州刺史 辛未魏平東將軍娥清安西將軍古弼將精

騎一萬伐燕平州刺史拓跋嬰帥遼西諸軍會之

將即亮翻

騎奇寄翻帥  
讀曰率下同

氏王楊難當自稱大秦王改元建義立

妻為王后世子為太子置百官皆如天子之制然猶貢

奉宋魏不絕 夏四月魏娥清古弼攻燕白狼城克之

白狼縣漢屬右北平郡燕以白狼城為重鎮置并  
州魏後并入建德郡廣都縣有白狼山白狼水

高麗

遣其將葛盧孟光將衆數萬隨陽伊至和龍迎燕王

去年

燕遣陽伊請  
迎于高麗

高麗屯于臨川

臨川在和龍城東

燕尚書令郭生

因民之憚遷開城門納魏兵

考異曰後魏古弼傳作大臣古泥今從十六國春秋

鈔魏人疑之不入生遂勒兵攻燕王王引高麗兵入自

東門與生戰于闕下生中流矢死

中竹仲翻

葛盧孟光入城

命軍士脫弊褐取燕武庫精仗以給之大掠城中五月

乙卯燕王帥龍城見戶東徙

帥讀曰率見賢遍翻馮氏歷二主二十八年而滅

焚宮殿火一旬不滅令婦人被甲居中陽伊等勒精兵

居外葛盧孟光帥騎殿後

被皮義翻殿丁旬翻

方軌而進前後八

十餘里古弼部將高苟子帥騎欲追之

將即亮翻帥讀曰率騎奇寄翻

弼醉拔刀止之故燕王得逃去魏主聞之怒檻車徵弼

及娥清至平城皆黜為門卒戊午魏主遣散騎常侍封

撥使高麗

散悉亶翻騎奇寄翻使疏吏翻

令送燕王丁卯魏主如河

西六月詔寧朔將軍蕭汪之將兵討程道養軍至鄴

口鄴江源出今潼川府銅山縣歷遂寧府長江縣而合于涪水謂之鄴口鄴音妻帛氏奴請降

降戶江翻

道養兵敗還入鄴山赫連定之西遷也

事見上卷八年

楊難當遂據上邽秋七月魏主遣驃騎大將軍樂平王

丕尚書令劉絜督河西高平諸軍以討之先遣平東將

軍崔贍齎詔書諭難當

驃匹妙翻騎奇寄翻贍士革翻

魏散騎侍郎

游雅來聘

姓譜鄭公子偃字子游後以為氏魏為廣平望姓

己未零陵王太

妃褚氏卒追諡曰晉恭思皇后葬以晉禮八月魏主

畋于河西魏主遣廣平公張黎發定州兵一萬二千

通莎泉道

莎泉在靈丘魏收地形志靈丘郡有莎泉縣隋廢靈丘為縣併莎泉入焉莎素何翻

九月庚戌魏樂平王丕等至略陽楊難當懼請奉詔攝

上邽守兵還仇池諸將議以為不誅其豪帥

帥所類翻

軍還

之後必相聚為亂又大衆遠出不有所掠無以充軍實  
賞將士丕將從之中書侍郎高允參丕軍事諫曰如諸  
將之謀是傷其向化之心大軍既還為亂必速丕乃止

還從宣翻  
又如字

撫慰初附秋毫不犯秦隴遂安難當以其子

順為雍州刺史鎮下辨

雍於用翻  
辨步覓翻

高麗不送燕王於

魏遣使奉表稱當與馮弘俱奉王化魏主以高麗違詔

議擊之將發隴右騎卒

麗力知翻使疏  
吏翻騎奇寄翻

劉絜曰秦隴新

民且當優復

新民新附之民  
也復方目翻

俟其饒實然後用之樂平

王丕曰和龍新定空廣脩農桑以豐軍食然後進取則高麗一舉可滅也魏主乃止 癸丑封皇子濬為始興

王駿為武陵王 冬十一月己酉魏主如稠陽

稠音固驅馬

野馬於雲中置野馬苑閏月壬子還宮 初高祖克長

安

事見一百十八卷晉安帝義熙十三年

得古銅渾儀

渾戶本翻

儀狀雖舉不

綴七曜

日月五星謂之七曜

是歲詔太史令錢樂之更鑄渾儀徑

六尺八分以水轉之昏明中星與天相應

孟春之月昏參中旦尾中

仲春之月昏弧中旦建星中季春之月昏七星中旦牽牛中孟夏之月昏翼中旦婺女中仲夏之月昏亢中旦

危中季夏之月昏火中旦奎中孟秋之月昏建星中旦  
畢中仲秋之月昏牽牛中旦觜觿中季秋之月昏虛中  
旦柳中孟冬之月昏危中旦七星中仲冬之月昏東  
壁中旦軫中季冬之月昏婁中旦以中更工衡翻

柔然與魏絕和親犯魏邊

柔然與魏和見上卷八年

吐谷渾惠王

慕瓚卒弟慕利延立

瓚古回翻

十四年春正月戊子魏北平

宣王長孫嵩卒

長知兩翻

辛卯大赦

二月乙卯魏主如

幽州三月丁丑魏主以南平王渾為鎮東大將軍儀同

三司鎮和龍乙卯還宮

帝遣散騎常侍劉熙伯如魏

議納幣

散悉亶翻騎奇寄翻

會帝女亡而止

魏請婚始上卷十年

夏四月

趙廣張尋梁顯等各帥衆降別將王道恩斬程道養送

首餘黨悉平

九年趙廣等反今乃平帥讀曰率降戶江翻將即亮翻

丁未以輔國

將軍周籍之為益州刺史魏主以民官多貪

郡守縣令親民

之夏五月己丑詔吏民得舉告守令不如法者於是姦

猾專求牧宰之失迫脇在位橫於閭里

橫戶孟翻

而長吏咸

降心待之貪縱如故

長知兩翻

丙申魏主如雲中

秋七

月戊子魏永昌王健等討山胡白龍餘黨于西河滅之

八月甲辰魏主如河西九月甲申還宮丁酉魏主



遣使者拜吐谷渾王慕利延為鎮西大將軍儀同三司

改封西平王 冬十月癸卯魏主如雲中十一月壬申

還宮 魏主復遣散騎侍郎董琬高明等多齎金帛使

西域招撫九國

復扶又翻下不復為復同九國入貢見上卷十二年

琬等至烏孫

其王甚喜曰破落那者舌二國

破落那漢大宛國也去代萬四千四百五十里

者舌漢康居國也去代萬五千四百五十里

皆欲稱臣致貢于魏但無路自

致耳今使君空過撫之乃遣導譯送琬詣破落那明詣

者舌旁國聞之爭遣使者隨琬等入貢凡十六國自是

每歲朝貢不絕

朝直  
遙翻

魏主以其妹武威公主妻河西

王牧犍

妻七細翻  
犍居言翻

河西王遣宋繇奉表詣平城謝且問

公主所宜稱魏主使群臣議之皆曰母以子貴妻從夫

爵

春秋之義母以子貴禮  
記婦人無爵從夫之爵

牧犍母宜稱河西國太后公

主於其國稱王后於京師則稱公主魏主從之初牧犍

娶涼武昭王之女及魏公主至李氏與其母尹氏遷居

酒泉頃之李氏卒尹氏撫之不哭曰汝國破家亡今死

晚矣牧犍之弟無諱鎮酒泉謂尹氏曰后諸孫在伊吾

李寶奔伊吾見一百十  
九卷營陽王景平元年

后欲就之乎尹氏未測其意給

之曰吾子孫漂蕩託身異域餘生無幾當死此不復為

羶裘之鬼也未幾潛犇伊吾無諱遣騎追及之尹氏謂

追騎曰沮渠酒泉許吾歸北何為復追汝取吾首以往

吾不復還矣追騎不敢逼引還尹氏卒于伊吾

史言尹氏義烈

給蕩亥翻幾居豈翻復扶  
又翻騎奇寄翻卒于恤翻

牧犍遣將軍沮渠旁周入貢

于魏魏主遣侍中古弼尚書李順賜其侍臣衣服并徵

世子封壇入侍是歲牧犍遣封壇如魏亦遣使詣建康

使疏  
吏翻

獻雜書及敦煌趙旼所撰甲寅元厯

敦徒門翻旼讀為斐魏書

作旼撰  
士免翻

并求雜書數十種

種章勇翻

帝皆與之李順自河西

還魏主問之曰卿往年言取涼州之策朕以東方有事

未遑也今和龍已平吾欲即以此年西征可乎對曰臣

疇昔所言

見上卷十年

以今觀之私謂不謬然國家戎車屢

動士馬疲勞西征之議請俟他年魏主乃止

十五年春二月丁未以吐谷渾王慕利延為都督西秦

河沙三州諸軍事鎮西大將軍西秦河二州刺史隴西

王 三月癸未魏主詔罷沙門年五十以下者

以其彊壯罷使

為民以從征役

初燕王弘至遼東高麗王璉遣使勞之曰

麗力

知翻璉力展翻使疏吏翻勞力到翻

龍城王馮君爰適野次士馬勞乎弘

慙怒稱制讓之高麗處之平郭

處昌呂翻

尋徙北豐弘素侮

高麗政刑賞罰猶如其國高麗乃奪其侍人取其太子

王仁為質

質音致

弘怨高麗遣使上表求迎上遣使者王

白駒等迎之并令高麗資遣高麗王不欲使弘南來遣

將孫漱高仇等殺弘于北豐并其子孫十餘人

果如楊嶠之言

將即亮翻下同謚弘曰昭成皇帝白駒等帥所領七千餘人掩

討漱仇殺仇生擒漱高麗王以白駒等專殺遣使執送

之上以遠國不欲違其意下白駒等獄

下遐稼翻

已而原之

夏四月納故黃門侍郎殷淳女為太子劬妃 五月

戊寅魏大赦 丙申魏主如五原秋七月自五原北伐

柔然命樂平王丕督十五將出東道永昌王健督十五

將出西道魏主自出中道至浚稽山復分中道為二陳

留王崇從大澤向涿邪山魏主從浚稽北向天山西登

白阜

天山在漠北即唐鐵勒思結多濫葛所保之地非伊吾之折羅漫山也白阜疑即雪山復扶又翻邪

讀曰

不見柔然而還時漠北大旱無水草人馬多死

冬十一月丁卯朔日有食之 十二月丁巳魏主至平

城 豫章雷次宗好學

好呼到翻下同

隱居廬山

廬山在尋陽今在南康城

北十五里尋陽之南正面廬山 嘗徵為散騎侍郎不就是歲以處士徵

至建康為開館於雞籠山

雞籠山在臺城北郊散悉亶翻騎奇寄翻處昌呂翻為于

偽 使聚徒教授帝雅好藝文使丹楊尹盧江何尚之立

立學太子率更令何承天立史學

晉志太子率更令主宮殿門戶及賞罰事

職如光祿勳衛尉更工衡翻

司徒參軍謝元立文學并次宗儒學為

四學元靈運之從祖弟也帝數幸次宗學館令次宗以

巾講侍講

從才用翻數所角翻講古侯翻江南人士交際以為盛服蓋次于朝服毛脩之不肯以巾

講到殷景仁之門是也蜀註曰巾謂巾幘講謂單衣

資給甚厚又除給事中不就

久之還廬山

臣光曰易曰君子多識前言往行以畜其德

行卜孟翻易大

畜彖辭

孔子曰辭達而已矣

論語所記

然則史者儒之一端

文者儒之餘事至于老莊虛無固非所以為教也夫



學者以求道天下無二道安有四學哉

帝性仁厚恭儉勤於為政守法而不峻容物而不弛百

官皆久於其職守宰以六期為斷吏不苟免民有所係

三十年間四境之內晏安無事戶口蕃息斷丁亂翻出

租供徭止於歲賦歲賦常賦也言不額外取民晨出暮歸自事而已

自適已閭閻之間講誦相聞士敦操尚鄉恥輕薄江左

風俗於斯為美後之言政治者皆稱元嘉焉治直吏翻

十六年春正月庚寅司徒義康進位大將軍領司徒自漢

以來大將軍位三公上司徒丞相  
職也義康既進位猶領司徒職  
南充州刺史江夏王

義恭進位司空

夏戶雅翻

魏主如定州

初高祖遺詔令

諸子次第居荊州臨川王義慶在荊州八年欲為之選

代

為于偽翻

其次應在南譙王義宣帝以義宣人才凡鄙置

不用二月己亥以衡陽王義季為都督荆湘等八州諸

軍事荊州刺史義季嘗春月出畋有老父被苦而耕被

義翻苦  
詩廉翻

左右斥之老父曰盤于遊畋古人所戒

夏太康以遊畋

失國周公以文王戒成王盤樂也

今陽和布氣一日不耕民失其時奈

何以從禽之樂而驅斥老農也

樂音洛

義季止馬曰賢者

也命賜之食辭曰大王不奪農時則境內之民皆飽大

王之食老夫何敢獨受大王之賜乎義季問其名不告

而退 三月魏雍州刺史葛那寇上洛

魏雍州刺史治長安此北上洛

也南上洛寄治魏興魏書官氏志內入諸姓賀葛氏改為葛氏雍於用翻

上洛太守鐔長生

棄郡走

鐔徐林翻

辛未魏主還宮

楊保宗與兄保顯自

童亭奔魏

保宗鎮童亭見上卷十二年

庚寅魏主以保宗為都督隴

西諸軍事征西大將軍開府儀同三司秦州牧武都王

鎮上邽妻以公主

妻七細翻

保顯為鎮西將軍晉壽公

河

西王牧捷通于其嫂李氏兄弟三人傳嬖之

傳通也以便辟得幸

曰嬖嬖卑義翻

李氏與牧捷之姊共毒魏公主

公主魏主妹也

陸德明必計翻

魏主遣解毒醫乘傳救之得愈

傳知戀翻

魏主徵李氏牧捷

不遣厚資給使居酒泉魏每遣使者詣西域

使疏吏翻下同

常

詔牧捷發導護送出流沙使者自西域還至武威牧捷

左右有告魏使者曰我君承蠕蠕可汗妄言云

可從刊入聲汗

音寒去歲魏天子自來伐我士馬疫死大敗而還

還從宣翻又如

字下 同 我擒其長弟樂平王丕我君大喜宣言於國又聞

可汗遣使告西域諸國稱魏已削弱今天下唯我為彊

若更有魏使勿復供奉西域諸國頗有貳心

復扶又翻下能復同

兩屬曰貳西域既貢奉魏又信柔然之言是有貳心使還具以狀聞魏主遣尚書

賀多羅使涼州觀虛實多羅還亦言牧犍雖外脩臣禮

內實乖悖

悖蒲內翻又蒲沒翻

魏主欲討之以問崔浩對曰牧犍

逆心已露不可不誅官軍往年北伐雖不克獲實無所

損戰馬三十萬匹計在道死傷不滿八千常歲羸死亦

不減萬匹

贏倫為翻

而遠方乘虛遽謂衰耗不能復振今出

其不意大軍猝至彼必駭擾不知所為擒之必矣魏主

曰善吾意亦以為然於是大集公卿議於西堂

魏平城太極殿

有東西堂

弘農王奚斤等三十餘人皆曰牧犍西垂下國雖

心不純臣然繼父位以來職貢不乏朝廷待以藩臣妻

以公主

妻七細翻

今其罪惡未彰空加恕宥國家新征蠕蠕

蠕人宛翻

士馬疲弊未可大舉且聞其土地鹵瘠

鹹地曰鹵瘠地曰瘠

難得水草大軍既至彼必嬰城固守攻之不拔野無所

掠此危道也初崔浩惡尚書李順

伐夏之役浩順有隙順以使涼為魏主所

寵待浩愈惡之惡烏路翻

順使涼州凡十二返

使疏吏翻

魏主以為能涼

武宣王數與順遊宴

沮渠蒙遜諡武宣王數所角翻

對其群下時為驕

慢之語恐順泄之隨以金寶納于順懷順亦為之隱

亦為

于偽

浩知之密以白魏主魏主未之信及議伐涼州順

與尚書古弼皆曰自溫園水以西至姑臧

據北史溫園水當作溫園

地皆枯石絕無水草彼人言姑臧城南天梯山上冬有

積雪深至丈餘春夏消釋下流成川居民引以溉灌彼

聞軍至決此渠口水必乏絕

彼人謂涼人也

環城百里之內

環音

官地不生草人馬饑渴難以久留斤等之議是也魏主

乃命浩與斤等相詰難衆無復他言但云彼無水草浩

曰漢書地理志稱涼州之畜為天下饒若無水草畜何

以蕃

詰去吉翻難乃旦翻復扶又翻下敢復同漢書地理志曰涼州土廣民稀水草空畜牧故涼州之畜

為天下饒畜許救翻又許六翻蕃音繁

又漢人終不於無水草之地築城

郭建郡縣也且雪之消釋僅能斂塵何得通渠溉灌乎

此言大為欺誣矣

欺誣也誣詐也

李順曰耳聞不如目見吾嘗



目見何可共辯浩曰汝受人金錢欲為之遊說謂我目

不見便可欺邪帝隱聽聞之

為于偽翻說輸芮翻  
隱聽者隱屏而聽也

乃出

見斤等辭色嚴厲羣臣不敢復言唯唯而已

唯于  
癸翻

羣臣

既出振威將軍代人伊馱言於帝

馱蒲  
撥翻

曰涼州若果無

水草彼何以為國衆議皆不可用空從浩言帝善之夏

五月丁丑魏主治兵於西郊

治直  
之翻

六月甲辰發平城使

侍中空都王穆壽輔太子晃監國決留臺事內外聽焉

監工  
銜翻

又使大將軍長樂王稽敬

稽敬北史作嵇敬當從  
之魏書官氏志北方諸

姓紇奚氏改為嵇氏輔國大將軍建寧王崇將二萬人屯漠南以

備柔然

王將即亮翻

命公卿為書以讓河西王牧犍數其十

二罪且曰若親帥群臣委贄遠迎

數所具翻帥讀曰率古者執贄以見拜贄

首則委之於地起則取而進之此之謂委贄

謁拜馬首上策也六軍既臨面

縛輿櫬其次也若守迷窮城不時悛悟

櫬初覲翻悛丑緣翻

身死

族滅為世大戮宜思厥中自求多福

已酉改封隴西

王吐谷渾慕利延為河南王魏主自雲中濟河秋七

月已已至上郡屬國城

漢置屬國於邊郡以處降胡此屬國城漢舊城也班書地理志

上郡龜茲縣屬國都尉治

壬午留輜重部分諸軍

重直用翻分扶問翻

使撫軍

大將軍永昌王健尚書令劉絜與常山王素為前鋒兩

道並進驃騎大將軍樂平王丕太宰陽平王杜超為後

繼

驃匹妙翻騎奇寄翻

以平西將軍源賀為鄉導

鄉讀曰嚮

魏主問賀

以取涼州方略對曰姑臧城旁有四部鮮卑皆臣祖父

舊民

秃髮傳檀據姑臧既而為沮渠所取有四部鮮卑留居城外賀傳檀之子也

臣願處軍

前

處昌呂翻

宣國威信示以禍福必相帥歸命

帥讀曰率

外援既

服然後取其孤城如反掌耳魏主曰善八月甲午永昌

王健獲河西畜產二十餘萬河西王牧犍聞有魏師驚  
曰何為乃爾用左丞姚定國計不肯出迎求救于柔然  
遣其弟征南大將軍董來將兵萬餘人出戰於城南

將來將

即亮翻

望風奔潰劉絜用卜者言以為日辰不利斂兵不

追董來遂得入城魏主由是怒之

為魏誅劉絜張本

丙申魏主

至姑臧遣使諭牧犍令出降

使疏吏翻降戶江翻

牧犍聞柔然欲

入魏邊為寇冀幸魏主東還遂嬰城固守其兄子祖趯  
城出降魏主具知其情乃分軍圍之源賀引兵招慰諸

部下三萬餘落故魏主得專攻姑臧無復外慮

復扶又翻下不

復魏主見姑臧城外水草豐饒由是恨李順謂崔浩曰

卿之昔言今果驗矣

自是魏主決意誅李順矣

對曰臣之言不敢不

實類皆如此魏主之將伐涼州也太子晃亦以為疑至

是魏主賜太子詔曰姑臧城西門外涌泉合於城北其

大如河自餘溝渠流入漠中其間乃無燥地故有此敕

以釋汝疑

庚子立皇子鑠為南平王

鑠書藥翻

九月丙

戌河西王牧犍兄子萬年帥所領降魏

考異曰宋書氏胡傳曰茂虔

兄子萬年為虜內應茂虔見執今從  
後魏書帥讀曰率降戶江翻下同

姑臧城潰牧犍帥

其文武五千人面縛請降魏主釋其縛而禮之收其城

內戶口二十餘萬倉庫珍寶不可勝計使張掖王禿髮

保周

保周奔魏封張掖公今進為王保周源賀之兄也勝音升

龍驤將軍穆羆

驤思將翻

安遠將軍源賀分徇諸郡雜胡降者又數十萬初牧犍

以其弟無諱為沙州刺史都督建康以西諸軍事領酒

泉太守空得為秦州刺史都督丹嶺以西諸軍事領張

掖太守

丹嶺在姑臧西即刪丹嶺

安周為樂都太守

乞伏衰滅樂都亦為沮渠所有

樂音洛

考異曰宋書宜得作儀

德安周作從子豐周今從後魏書

從弟唐兒為敦煌太

守

從才用翻  
敦徒門翻

及姑臧破魏主遣鎮南將軍代人奚眷擊

張掖鎮北將軍封沓擊樂都宜得燒倉庫西犇酒泉安

周南犇吐谷渾封沓掠數千戶而還

還從宣翻  
又如字

奚眷進

攻酒泉無諱宜得收遺民犇晉昌遂就唐兒於敦煌魏

主使弋陽公元絜守酒泉及武威張掖皆置將守之

將即

亮魏主置酒姑臧謂群臣曰崔公智畧有餘吾不復以

為奇

復扶  
又翻

伊馘弓馬之士而所見乃與崔公同深可奇

也敵善射能曳牛却行走及犇馬而性忠謹故魏主特

愛之魏主之西伐也穆壽送至河上

自平城送魏主西至河

魏主

敕之曰吳提與牧捷相結素深聞朕討牧捷吳提必犯

塞

柔然敕連可汗名吳提

朕故留壯兵肥馬使卿輔佐太子收田

既畢即發兵詣漠南分伏要害以待虜至引使深入然

後擊之無不克矣涼州路遠朕不得救卿勿違朕言壽

頓首受命壽雅信中書博士公孫質以為謀主壽質皆

信卜筮以為柔然必不來不為之備質軌之弟也

公孫軌見



一百二十  
卷四年

柔然敕連可汗聞魏主向姑臧乘虛入寇留

其兄乞列歸與嵇敬建寧王崇相拒于北鎮

北鎮即魏主破降高

車所置六鎮也以在平城之北故曰北鎮或曰北鎮直代都北即懷朔鎮

自帥精騎深入

帥讀

曰率騎

至善無七介山平城大駭民爭走中城

走音

穆

奇寄翻

壽不知所為欲塞西郭門

塞悉則翻

請太子避保南山竇太

后不聽而止

竇太后即保太后

遣司空長孫道生征北大將軍

張黎拒之於吐頽山會嵇敬建寧王崇擊破乞列歸於

陰山之北擒之并其伯父他吾無鹿胡及將帥五百人

將即亮翻  
帥所類翻

斬首萬餘級敕連聞之道去追至漠南而還

冬十月辛酉魏主東還留樂平王丕及征西將軍賀多

羅鎮涼州徙沮渠牧犍宗族及吏民三萬戶于平城

考

異曰十六國春秋鈔云

十萬戶今從後魏書

癸亥禿髮保周帥諸部鮮卑

據張掖叛魏

帥讀曰率

十二月乙亥太子劭加元服大赦

劭美鬚眉好讀書便弓馬喜延賓客

好呼到翻喜許記翻下尤喜同

意

之所欲上必從之東宮置兵與羽林等

師古曰羽林宿衛之官言其如

羽之疾如林之多也為  
劭以東宮兵弑逆張本

壬午魏主至平城以柔然入

寇無大失亡故穆壽等得不誅魏主猶以妹婿待沮渠

牧犍征西大將軍河西王如故牧犍母卒葬以太妃之

禮武宣王置守冢三十家為沮渠蒙遜置守冢凉州自張氏以來

號為多士永嘉之亂中州之人士避地河西張氏禮而用之子孫相承衣冠不墜故凉州號為多士

沮渠牧犍尤喜文學以敦煌闕駟為姑臧太守敦煌門

音因 張湛為兵部尚書

曹魏置五兵尚書據此 劉昶

索敞陰興為國師助教金城宋欽為世子洗馬索昔各

翻 薦趙柔為金部郎曹魏置二十三郎金部

其一也主財帛委輸 廣平程駿駿

從弟弘為世子侍講

從才用翻

魏主克涼州皆禮而用之以

闕駟劉昺為樂平王丕從事中郎安定胡叟少有俊才

少詩照翻

往從牧犍牧犍不甚重之叟謂程弘曰貴主居僻

陋之國而淫名僭禮以小事大而心不純壹外慕仁義

而實無道德其亡可翹足待也吾將擇木

左傳衛孔文子將攻太叔

疾訪於仲尼仲尼曰甲兵之事未之學也退命駕而行曰鳥則擇木木豈能擇鳥

先集于魏與

子暫違非久闕也遂適魏歲餘而牧犍敗魏主以叟為

先識拜虎威將軍賜爵始復男

按地名無始復漢書地理志越舊郡有姑復縣

或者始字其姑字之誤乎

河內常璽世寓涼州不受禮命魏主以為

宣威將軍河西右相宋繇從魏主至平城而卒

相息亮翻卒子

恤翻魏主以索敞為中書博士時魏朝方尚武功

朝直遙翻

貴

遊子弟不以講學為意

鄭玄曰貴遊子弟王公之子弟遊無官司者

敞為博

士十餘年勤於誘導肅而有禮

誘音酉

貴遊皆嚴憚之多

所成立前後顯達至尚書牧守者數十人

守手又翻

常璽置

館於溫水之右

水經註桑乾城西十里有溫湯

教授七百餘人璽立賞

罰之科弟子事之如嚴君由是魏之儒風始振高允每

稱爽訓厲有方曰文翁柔勝先生剛克

漢景帝末文翁為蜀郡守仁愛

好教化選郡縣小吏開敏有才者詣京師受業博士又修起學官于成都市中招下縣子弟為學官弟子為除更繇由是大化至今巴蜀好儒雅文翁之教也

立教雖

殊成人一也陳留江強寓居涼州獻經史諸子千餘卷

及書法亦拜中書博士

魏延昌三年強孫式上表曰臣聞伏羲氏作而八卦形其畫軒

轅氏興而靈龜彰其彩古史倉頡覽二象之文觀鳥獸之跡別創文字以代結繩用書契以維事迄于三代厥體頗異雖依類取制未能違倉氏矣故周禮八歲入小學保氏教以六書蓋是史頡之遺法及宣王太史史籀著大篆十五篇與古文或同或異時書謂之籀書孔子修六經左邱明述春秋皆以古文厥意可得而言其後

七國殊軌文字乖別暨秦兼天下丞相李斯乃奏蠲罷不合秦文者斯作倉頡篇車府令高作爰歷篇太史令胡毋敬作博學篇皆取史籀式頗有省改所謂小篆者也於是秦燒經書滌除舊典官獄煩多以趣簡易始用隸書古文自此息矣隸書者始皇使下杜人程邈附于小篆所作也世人以邈徒隸即謂之隸書故秦有八體一曰大篆二曰小篆三曰符書四曰蟲書五曰摹印六曰署書七曰殳書八曰隸書漢興有尉律學復教以籀書又習八體試之課最以為尚書史書省字不正輒舉劾焉又有草書莫知誰始其形書雖無厭諠亦一時之變通也孝宣時召通倉頡讀者獨張敞從受之涼州刺史杜業沛人爰禮講學大夫秦近亦能言之孝平時徵禮等百餘人說文字於未央宮中以禮為小學元士黃門侍郎揚雄採以作訓纂篇及亡新居攝自以運應制作使大司馬甄豐校文字之部頗改定古文時有六書一曰古文孔子壁中書也二曰奇字即古文而異者三

曰篆書云小篆也四曰佐書秦隸書也五曰繆篆所以  
摹印也六曰鳥蟲所以書幡信也壁中書者魯恭王壞  
孔子宅而得尚書春秋論語孝經也又北平侯張蒼獻  
春秋左氏傳書體與孔氏相類即前代之古文矣後漢  
扶風曹喜號曰工篆小異斯法而甚精巧自是後學皆  
其法也又詔侍中賈逵脩理舊文殊藝異術王教一端  
苟有可以加于國者靡不悉集逵即汝南許慎古學之  
師也後慎嗟時人之好奇歎俗儒之穿鑿故撰說文解  
字十五篇首一終玄各有部屬可謂類聚群分雜而不  
越文質彬彬最可得而論也左中郎將蔡邕採李斯曹  
喜之法以為古今雜形詔于太學立石碑刊載五經題  
書楷法多是邕書也後開鴻都書畫奇能莫不雲集特  
諸方獻篆無出邕者魏初博士清河張揖著埤蒼廣雅  
古今字詁方之許篇古今體用或得或失陳留邯鄲淳  
亦與揖同博聞古藝特善蒼雅許氏字指八體六書精  
究厥理有名於揖以書教諸皇子又建三字石經於漢



碑西其文蔚煥三體復宣較之說文篆隸大同而古字小異又有京兆韋誕河東衛覲二家並號能篆當時臺觀牋題寶器之銘悉是誕書咸傳之子孫世稱其妙晉世呂忱表上字林六卷尋其況趣附託許慎說文而按偶章句隱別古籀奇惑之字文得正隸不差篆意也忱弟靜別倣故左校令李登聲類之法作韻集五卷使宮商錄徵羽各為一篇而文字與兄便是魯衛音讀楚夏時有不同皇魏承百王之季紹五運之緒世易風移文字改變篆形謬錯隸體失真俗學鄙習復加虛造巧談辨士以意為疑炫惑于時難以釐改乃曰追來為歸巧言為辯小免為翫神虫為蠶如斯甚衆皆不合孔氏古書史籀大篆許氏說文石經三字也嗟夫文字者六籍之宗王教之始前人所以垂今今人所以識古臣六世祖瓊家世陳留往晉之初與從父兄皆受學于衛覲古篆之法蒼雅方言說文之詮當時並收善譽而祖遇洛陽之亂避地河西數世傳習斯業所以不墜也世祖太

延中牧犍內附臣亡祖文威杖策歸國奉獻五世傳掌  
之書古篆八體之法時蒙褒錄叙列于儒林官班文省  
家號世業臣藉六世之資奉遵祖考之訓切慕古人之  
軌企踐儒門之轍求撰集古來文字以許慎說文為主  
及孔氏尚書五經音註籀篇爾雅三蒼凡將方言通俗  
文祖文宗埤蒼廣雅古今字詁三字石經字林韻集諸  
賦文字有六書之詮者以類編聯文無複重統為一部  
其石籀奇惑俗隸諸體咸使班于篆下各有區別訓詁  
假借之詮隨文而解音讀楚夏之聲逐字而註其所不  
知則闕如也冀省百氏之觀而同文字之域詔如所請  
中書自曹魏置監令以來未嘗  
置博士蓋拓拔氏初置是官也

魏主命崔浩監祕書事

監工  
銜翻

綜理史職以中書侍郎高允散騎侍郎張偉參典

著作

曹魏明帝景初初中書改置監令又置通事  
郎及晉改曰中書侍郎散悉置翻騎奇寄翻

浩啟

稱殷仲達段承根涼土美才請同修國史皆除著作郎

仲達武威人承根暉之子也

段暉事乞伏熾  
磐暮末父子

浩集諸歷

家考校漢元以來日月薄食五星行度

漢元漢  
初也

并譏前

史之失別為魏歷以示高允允曰漢元年十月五星聚

東井

見九卷漢高  
帝元年考異

此乃歷術之淺事今譏漢史而不覺

此謬恐後人之譏今猶今之譏古也浩曰所謬云何允

曰紫星傳太白辰星常附日而行十月日在尾箕

孟冬  
之月

日在尾言在尾箕者竟  
一月言之也傳直應翻

昏没于申南而東井方出于寅

北二星何得背日而行

背蒲妹翻

是史官欲神其事不復推

之於理也

復如字又扶又翻

浩曰天文欲為變者何所不可邪

允曰此不可以空言爭空更審之坐者咸怪允之言唯

東宮少傅游雅曰

東宮少傅即太子少傅少詩照翻

高君精於歷數當

不虛也後歲餘浩謂允曰先所論者本不經心乃更考

究果如君言五星乃以前三月聚東井非十月也衆乃

歎服允雖明歷初不推步及為人論說

為于偽翻

唯游雅知

之雅數以災異問允

數所角翻

允曰陰陽災異知之甚難既

已知之復恐漏泄

復扶又翻

不如不知也天下妙理至多何

以問此雅乃止魏主問允為政何先時魏多封禁良田

允曰臣少賤

允自言其少也賤少詩照翻

唯知農事若國家廣田積

穀公私有備則饑饉不足憂矣帝乃命悉除田禁以賦

百姓吐谷渾王慕利延聞魏克涼州大懼帥眾西遁

踰沙漠

帥讀曰率

魏主以其兄慕瓚有擒赫連定之功

事見上卷

八遣使撫諭之

使疏吏翻

慕利延乃還故地氏王楊難當

將兵數萬寇魏上邽

將即亮翻下同

秦州人多應之東平呂羅

漢說鎮將拓跋意頭曰難當衆盛今不出戰示之以弱

衆情離沮不可守也意頭遣羅漢將精騎千餘出衝難

當陳所向披靡

說輸芮翻陳讀曰陣披普彼翻

殺其左右騎八人難當

大驚會魏主以璽書責讓難當

璽斯氏翻

難當引還仇池

南豐太妃司馬氏卒故營陽王之后也

九年帝以江夏王義恭子朗為

南豐王奉營陽王祀以后為南豐太妃

趙廣張尋等復謀反伏誅

十四年廣

尋降至建康復謀反復扶又翻下復能復那不復無復同

十七年春正月己酉沮渠無諱寇魏酒泉元絜輕之出

城與語壬子無諱執紼以圍酒泉 二月魏假通直常

侍邢穎來聘

散騎常侍秦官也曹魏末增置貧外散騎常侍晉武帝泰始十年使貧外二人與散

騎常侍通直故謂之通直散騎常侍穎假以出使非正官也

三月沮渠無諱拔酒

泉 夏四月戊午朔日有食之 庚辰沮渠無諱寇魏

張掖秃髮保周屯刪丹

刪丹縣漢屬張掖郡後分屬西郡唐屬甘州居延海在縣界

丙戌魏主遣撫軍大將軍永昌王健督諸將討之

將即亮翻

司徒義康專總朝權上羸疾積年

羸倫為翻

心勞輒發屢

至危殆義康盡心營奉藥石非口所親嘗不進或連夕

不寐內外衆事皆專決施行性好吏職

好呼到翻  
下好於同

糾剔

文案莫不精盡上由是多委以事凡所陳奏入無不可

方伯以下並令義康選用生殺大事或以錄命斷之

義康

錄尚書故謂其命  
為錄命斷丁亂翻

勢傾遠近朝野輻湊每旦府門常有

車數百乘

朝直遙翻  
乘繩證翻

義康傾身引接未嘗懈倦復能強

記耳目所經終身不忘好于稠人廣席標題所憶以示

聰明士之幹練者多被意遇

懈古隘翻復扶又翻  
同好呼到翻被皮義翻

嘗

謂劉湛曰王敬弘王球之屬竟何所堪坐取富貴復那



可解

王敬弘恬淡有重名王球簡貴虛靜皆以門望然位八坐不以文按闕心故義康云然解戶買翻

素無學術不識大體朝士有才用者皆引入已府府僚

無施及忤旨者乃斥為臺官

晉宋以來謂天朝為天臺忤五故翻

自謂兄

弟至親不復存君臣形迹率心而行曾無猜防私置僮

六千餘人不以言臺四方獻饋皆以上品薦義康而以

次者供御上嘗冬月噉甘

甘似橘而巨其皮黃於橘其味甘於橘

歎其形

味並劣義康曰今年甘殊有佳者遣人還東府取甘大

供御者三寸領軍劉湛與僕射殷景仁有隙

事見上卷十二年

湛欲倚義康之重以傾之義康權勢已盛湛愈推崇之

無復人臣之禮上浸不能平湛初入朝上恩禮甚厚湛

善論治道諳前代故事叙致銓理

致極致也理文理也言叙其極致又銓次

其文理也治直吏翻諳烏含翻

聽者忘疲每入雲龍門御者即解駕左

右及羽儀隨意分散不夕不出以此為常及晚節驅煽

義康

馬方走而疾其鞭策曰驅火方熾而鼓其氣燄曰煽

上意雖內離而接遇不

改嘗謂所親曰劉班方自西還宮與語常視日早晚慮

其將去比入吾亦視日早晚苦其不去

湛小字班虎故稱之為班比毗

至翻近也殷景仁密言於上曰相王權重非社稷計宜少加

裁抑

相息亮翻少詩沼翻

上陰然之司徒左長史劉斌湛之宗也

斌音

大將軍從事中郎王履謚之孫也

王謚識武帝於微時晉宋之際

位任通顯

及主簿劉敬文祭酒魯郡孔肩秀皆以傾詔有寵

于義康見上多疾皆謂宮車一日晏駕宜立長君

長知兩翻

上嘗疾篤使義康具顧命詔義康還省流涕以告湛及

景仁湛曰天下艱難詎是幼主所御義康景仁並不答

考異曰南史以為義康有此言湛景仁並不答按義康雖不識大體豈敢自為此言湛常欲推崇義康豈肯

聞而不答今從宋書及宋略

而庾秀等輒就尚書議曹索晉咸康末

立康帝舊事

議曹南史作儀曹當從之曹魏置二十三郎儀曹其一也立康帝事見九十七卷索

山客

義康不知也及上疾瘳微聞之

瘳丑留翻

而斌等密謀

欲使大業終歸義康遂邀結朋黨伺察禁省

伺相吏翻

有不

與已同者必百方構陷之又採拾景仁短長或虛造異

同以告湛自是主相之勢分矣

相息亮翻

義康欲以劉斌為

丹楊尹

斌音彬

言次啟上陳其家貧言未卒

卒子恤翻

上曰以

為吳郡後會稽太守羊玄保求還

會工外翻

義康又欲以斌

代之啟上曰羊玄保求還不審以誰為會稽上時未有

所擬倉猝曰我已用王鴻自去年秋上不復往東府

史言

帝已疎忌義康而義康貪戀權勢惑于附麗者不能引退復扶又翻下同五月癸巳劉湛遭

母憂去職湛自知罪豐已彰無復全地

豐許觀翻

謂所親曰

今年必敗常日正賴口舌爭之故得推遷耳今既窮毒

謂母子相訣則人無復此望禍至其能久乎

考異曰南史云湛

伏甲於室以俟上臨弔謀又泄竟弗之韋宋書無此事按湛若謀泄當即伏誅豈得尚延半歲今從宋書

乙巳沮渠無諱復圍張掖不克退保臨松

臨松郡臨松縣當是沮渠

氏所置後宇文周廢入  
張掖復扶又翻下同

魏主不復加討但以詔諭之

六月丁丑魏皇孫濬生大赦改元太平真君取寇讎之

神書云輔佐北方太平真君故也

寇讎之神書見一百十九卷營陽王景平

元年太子劭詣京口拜京陵司徒義康竟陵王誕等並

從

從才用翻

南兖州刺史江夏王義恭自江都會之

夏戶雅翻

秋七月己丑魏永昌王健擊破禿髮保周于番禾保周

走遣安南將軍尉眷追之

番音盤尉紆勿翻

丙申魏太后竇

氏殂 壬子皇后袁氏殂

太子劭弒逆之心萌於此矣

癸丑禿髮

保周窮迫自殺八月甲申沮渠無諱使其中尉梁偉詣

魏永昌王健請降

降戶江翻

歸酒泉郡及所虜將士元縈等

魏主使尉眷留鎮凉州 九月壬子葬哀皇后 上以

司徒彭城王義康嫌隙已著將成禍亂冬十月戊申收

劉湛付廷尉下詔暴其罪惡就獄誅之并誅其子黯亮

儼及其黨劉斌劉敬文孔胤秀等八人徙尚書庫部郎

何默子等五人於廣州

曹魏置尚書二十  
三郎庫部其一也

因大赦是日

敕義康入宿留止中書省其夕分收湛等青州刺史杜

驥勒兵殿內以備非常遣人宣旨告義康以湛等罪狀  
義康上表遜位詔以義康為江州刺史侍中大將軍如  
故出鎮豫章初殷景仁卧疾五年

景仁卧疾始上卷十二年

雖不見

上而密函去來日以十數朝政大小必以咨之

朝直影

迹周密莫有窺其際者收湛之日景仁使拂拭衣冠左

右皆不曉其意其夜上出華林園延賢堂召景仁景仁

猶稱脚疾以小牀輿就坐誅討處分一以委之

坐徂卧

呂翻分初檀道濟薦吳興沈慶之忠謹曉兵上使領隊

扶問翻



防東掖門劉湛為領軍嘗謂之曰卿在省歲久比當相

論

省謂領軍省比毗寐翻謂當為之論叙也

慶之正色曰下官在省十年自

應得轉不復以此仰累

復扶又翻下同累力瑞翻

收湛之夕上開門

召慶之慶之戎服縛袴而入上曰卿何意乃爾急裝慶

之曰夜半喚隊主

江南軍制呼長帥為隊主軍主隊主者主一隊之稱軍主者主一軍之稱

不容緩服

史言沈慶之有識畧

上遣慶之收劉斌殺之驍騎將軍

徐湛之達之之子也

徐達之武帝愛壻死于司馬楚之魯宗之之難驍堅亮翻騎奇寄翻

與義康尤親厚上深銜之義康敗湛之被收罪當死其

母會稽公主於兄弟為長嫡

被皮義翻會工外翻長知兩翻

素為上所

禮家事大小必咨而後行高祖微時嘗自于新洲伐荻

有納布衫襖

納與納同

臧皇后手所作也既貴以付公主曰

後世有驕奢不節可以此衣示之至是公主入宮見上

號哭不復施臣妾之禮以錦囊盛納衣擲地

號戶高翻盛時征翻

曰汝家本貧賤此是我母為汝父所作

為于偽翻下右為嘗為同今

日得一飽餐遽欲殺我兒邪上乃赦之吏部尚書王球

履之叔父也以簡淡有美名為上所重履性進利

言履務進

而好利也深結義康及湛球屢戒之不從誅湛之夕履徒跣

告球

跣先典翻

球命左右為取履先溫酒與之謂曰常日語

汝云何

語牛倨翻

屢怖懼不得答

怖普布翻

球徐曰阿父在汝亦

何憂

江南人士呼叔父伯父為阿父為伯父叔父者以自呼阿烏葛翻

上以球故履得

免死廢於家

據南史帝初為宣都王以球為友簡淡見重蓋素知之也

義康方用事

人爭求親暱

暱尼質翻

唯司徒主簿江湛早能自疎求出為

武陵內史檀道濟嘗為其子求婚于湛湛固辭道濟因

義康以請之湛拒之愈堅故不染于二公之難

難乃旦翻

上

聞而嘉之湛夷之子也

江夷嚮用於元嘉之初

彭城王義康停省

十餘日見上奉辭便下渚上惟對之慟哭餘無所言上

遣沙門慧琳視之義康曰弟子有還理不不讀慧琳曰

恨公不讀數百卷書初吳興太守謝述裕之弟也

謝裕見一

百十五卷晉安

帝義熙五年累佐義康數有規益早卒

義康鎮江陵述為驃騎長

史南郡太守義康入相又為司徒左長史數所角翻

義康將南

將自建康南徙豫章

歎曰昔

謝述惟勸吾退劉班惟勸吾進今班存而述死其敗也

空哉上亦曰謝述若存義康必不至此以征虜司馬蕭

斌為義康諮議參軍領豫章太守事無大小皆以委之

斌摹之之子也

蕭摹之見上  
卷十二年

使龍驤將軍蕭承之將兵

防守

驤思將翻之  
將即亮翻

義康左右愛念者並聽隨從

從才  
用翻

資

奉優厚信賜相係朝廷大事皆報示之久之上就會稽

公主宴集甚懽主起再拜叩頭悲不自勝

勝音  
升

上不曉

其意自起扶之主曰車子歲暮必不為陛下所容今特

請其命

義康小  
字車子

因慟哭上亦流涕指蔣山曰必無此慮

若違今誓便是負初寧陵

高祖葬初寧  
陵在蔣山

即封所飲酒賜

義康并書曰會稽姊飲宴憶弟所餘酒今封送故終主

之身義康得無恙

恙余亮翻

臣光曰文帝之於義康友愛之情其始非不隆也終

于失兄弟之歡虧君臣之義迹其亂階正由劉湛權

利之心無有厭已

厭於鹽翻

詩云貪人敗類

芮良夫桑桑之詩敗補邁

翻其是之謂乎

徵南兖州刺史江夏王義恭為司徒錄尚書事戊寅以  
臨川王義慶為南兖州刺史殷景仁為揚州刺史僕射

吏部尚書如故義恭懲彭城之敗雖為總錄奉行文書

而已上乃安之

彭城義康也

上年給相府錢二十萬他物稱

此

相息亮翻稱尺證翻

而義恭性奢用常不足上又別給錢年至

千萬十一月丁亥魏主如山北殷景仁既拜揚州

羸疾遂篤

羸倫為翻

上為之敕西州道上不得有車聲

偽為翻

揚州治所在建康臺城西故謂之西州宋白曰秣陵縣秦屬彭郡丹楊圖云自句容以西屬彭郡以東屬會稽郡武帝元封二年改鄣郡為丹楊郡置揚州刺史理秣陵西州橋治城之間是其理處劉繇為揚州刺史始移理曲阿孫策癸丑卒

卒子恤翻

十二月癸亥以光祿大夫王

號此為西州

球為僕射戊辰以始興王濬為揚州刺史時濬尚幼州  
事悉委後軍長史范曄主簿沈璞曄泰之子璞林子之  
子也

范泰為高祖所賞愛林  
子從高祖為將有功

曄尋遷左衛將軍以吏部

郎沈演之為右衛將軍對掌禁旅又以庾炳之為吏部

郎俱參機密演之勁之曾孫也

沈勁守死于洛陽以  
雪父充為逆之罪

曄

有雋才而薄情淺行數犯名教為士流所鄙

行下孟翻  
數所角翻

性躁競自謂才用不盡常怏怏不得志

為後范曄  
謀亂張本

吏部

尚書何尚之言于帝曰范曄志趨異常

趨與趣同  
七著翻

請出



為廣州刺史若在內豐成不得不加鈇鉞鈇鉞亟行許豐

覲翻亟區記翻

非國家之美也帝曰始誅劉湛復遷范曄復扶又翻

下復稱同人將謂卿等不能容才朕信受讒言但共知其如

此無能為害也是歲魏寧南將軍王慧龍卒呂玄伯

留守其墓終身不去

慧龍不殺玄伯見上卷八年

魏主欲以伊馘

為尚書封郡公馘辭曰尚書務殷公爵至重非臣年少

愚近所空膺受

馘蒲撥翻少詩照翻

帝問其所欲對曰中祕二省

多諸文士

中祕謂中書省祕書省也

若恩矜不已請參其次帝善之

以為中護軍將軍祕書監 大秦王楊難當復稱武都

王

十三年難當自稱大秦王

十八年春正月癸卯魏以沮渠無諱為征西大將軍涼

州牧酒泉王 彭城王義康至豫章辭刺史

辭江州刺史也

甲

辰以義康都督江交廣三州諸軍事前龍驤參軍巴東

扶令育詣闕上表

驤思將翻扶姓也

稱昔袁盎諫漢文帝曰淮

南王若道路遇霜露死陛下有殺弟之名文帝不用追

悔無及

見十四卷文帝六年

彭城王義康先朝之愛子

朝直陛下遙翻

之次弟若有迷謬之愆正可數之以善惡

數所具翻

道之以

義方奈何信疑似之嫌一旦黜削遠送南垂草萊黔首

皆為陛下痛之

為于偽翻下竊為同

廬陵往事足為龜鑑

見百二十卷元

年恐義康年窮命盡奄忽于南臣雖微賤竊為陛下羞

之陛下徒知惡枝之宜伐豈知伐枝之傷樹伏願亟召

義康返于京甸兄弟協和君臣輯睦則四海之望塞多

言之路絕矣

塞悉則翻

何必司徒公揚州牧然後可以置彭

城王哉若臣所言於國為非請伏重誅以謝陛下表奏

即收付建康獄賜死

裴子野論曰夫在上為善若雲行雨施

施式智翻

萬物受

其賜及其惡也若天裂地震萬物所驚駭其誰弗知其誰弗見豈戮一人之身鉗一夫之口所能攘逃所

能弭滅哉是皆不勝其忿怒而有增于疾疹也

勝音升疹

丑刃翻以太祖之含弘尚掩耳于彭城之戮自斯以後

誰易由言

鄭玄曰由用也易以鼓翻

有宋累葉罕聞直諒豈骨鯁

之氣俗愧前古抑時王刑政使之然乎張約隕于權

臣

事見百二十卷元年

扶育斃于哲后宋之鼎鑊吁可畏哉

魏新興王俊荒淫不法三月庚戌降爵為公俊母先得罪死俊積怨望有逆謀事覺賜死 辛亥魏賜郁久閭

乞列歸爵為朔方王沮渠萬年為張掖王

十六年魏擒乞列歸沮渠

萬年亦以是年以姑臧降魏

夏四月沮渠唐兒叛沮渠無諱無諱

留從弟天周守酒泉

從才用翻

與弟宜得引兵擊唐兒唐兒

敗死魏以無諱終為邊患庚辰遣鎮南將軍奚眷擊酒

泉 秋八月辛亥魏遣散騎侍郎張偉來聘 九月戊

戊魏永昌王健卒 冬十一月戊子王球卒 己亥以丹

楊尹孟顗為尚書僕射

顗魚豈翻

酒泉城中食盡萬餘口

皆餓死 沮渠天周殺妻以食戰士

食祥吏翻

庚子魏奚眷拔

酒泉獲天周送平城殺之 沮渠無諱乏食且畏魏兵之

盛乃謀西度流沙遣其弟安周西擊鄯善 鄯善王欲降

鄯上扇翻 降戶江翻

會魏使者至勸令拒守 安周不能克退保東

城

鄯善國之東城也

氏王楊難當傾國入寇 謀據蜀土遣其

建忠將軍苻冲出東洛以禦梁州兵

五代志義城郡景谷縣舊白水縣也

後周省東洛郡入馬子按白水縣漢屬廣漢  
晉屬梓潼時屬晉壽則東洛在晉壽界也

梁秦二州

刺史劉真道擊冲斬之真道懷敬之子也

劉懷敬見一百一十一卷

晉安帝隆

安三年

難當攻拔葭萌獲晉壽太守申坦遂圍涪城

涪音

巴西梓潼二郡太守劉道錫嬰城固守難當攻之

十餘日不克乃還道錫道產之弟也十二月癸亥詔龍

驤將軍裴方明等帥甲士三千人又發荆雍二州兵以

討難當皆受劉真道節度

裴方明益州之良將也程道養趙廣之亂屢有戰功故用

之為明年平仇池張本驤思  
將翻帥讀曰率雍於用翻

晉寧太守麴松子反寧

州刺史徐循討平之

晉惠帝永安二年分建寧西七縣為益州郡至懷帝更名晉寧郡

天門蠻田向求等反破淩中

沈約曰淩中縣二漢無晉太康地志有疑是吳

立屬天門郡淩郎侯翻

荊州刺史衡陽王義季遣行參軍曹孫念

討破之魏寇譙之言於魏主曰今陛下以真君御世

建靜輪天宮之法開古以來未之有也應登受符書以彰聖德帝從之



資治通鑑卷一百二十三

總校官庶吉士  
對官檢討  
王坦修  
秦長馨  
張同巽

總校官庶吉士

臣侍

朝

校對官檢討

臣

王坦修

膳錄監生

臣

秦長馨

膳錄監生

臣

張同巽

欽定四庫全書薈要

史部

資治通鑑卷一百二十四

五四

詳校官編修臣汪鏞



欽定四庫全書舊要卷七千一百十

史部

資治通鑑卷一百二十四 宋 司馬光 撰

胡三省 音註

宋紀六

起玄默敦祥盡柔兆閏茂凡五年

太祖文皇帝中之中

元嘉十九年春正月甲申魏主備法駕詣道壇受符籙  
旗幟盡青自是每帝即位皆受籙

此所受者令道士所謂法籙也隋志曰道

士受道之法初受五千文籙次受三洞籙次受洞玄籙次受上清籙籙皆素書紀諸天曹官屬佐吏之名又有

諸符錯在其間文章詭譎世所不識錄龍玉翻

謙之又奏作靜輪宮

水經注靜輪宮在道

壇東北道壇在平城東漂水之左

必令其高不聞雞犬欲以上接天神

崔浩勸帝為之功費萬計經年不成太子晃諫曰天人

道殊卑高定分

分扶問翻

不可相接理在必然今虛耗府庫

疲弊百姓為無益之事將安用之必如謙之所言請因

東山萬仞之高

謂平城之東山也

為功差易

易以豉翻

帝不從

夏

四月沮渠無諱將萬餘家棄敦煌西就沮渠安周未至

鄯善王比龍畏之將其衆奔且末

沮子余翻將即亮翻敦徒門翻鄯上扇翻

且末漢故國在鄯善西去代  
八千三百二十里且子余翻

其世子降於安周

降戶無

諱遂據鄯善其士卒經流沙渴死者大半李寶自伊吾

帥衆二千入據敦煌

帥讀曰率

繕脩城府安集故民沮渠牧

犍之亡也

見上卷十六年犍居言翻

凉州人闕爽據高昌自稱太守

唐契為柔然所逼擁衆西趨高昌

闕苦濫翻守手又翻趨七喻翻

欲奪

其地柔然遣其將阿若追擊之契敗死

營陽王景平元年契與李寶同

奔伊吾

契弟和收餘衆犇車師前部王伊洛時沮渠安周

屯橫截城和攻拔之又拔高寧白力二城

李延壽曰高昌國有四十

六鎮交河田地高寧白刃橫截  
等餘不具載白力當作白刃

遣使請降於魏使疏吏翻

甲戌上以疾愈大赦 五月裴方明等至漢中與劉真

道等分兵攻武興下辯白水皆取之

下辯漢書作下辯並音皮覓翻楊

難當遣建節將軍苻弘祖守蘭臯

元豐九域志階州將利縣有蘭臯鎮按五

代志將利縣後魏武興郡之石門縣也蕭子顯曰武興西北有蘭臯戍去仇池二百里苻恐當作苻楊氏苻氏

皆氏種也使其子撫軍大將軍和將重兵為後繼方明與弘

祖戰於濁水

濁水城在上祿縣東南武街城西北酈道元曰濁水即白水也武街城故下辯縣治

大破之斬弘祖和退走追至赤亭又破之難當奔上邽

獲難當兄子建節將軍保熾難當以其子虎為益州刺史守陰平聞難當走引兵還至下辯方明使其子肅之邀擊之擒虎送建康斬之仇池平以輔國司馬胡崇之為北秦州刺史鎮其地立楊保熾為楊玄後使守仇池

楊難當廢玄子保宗而自立見一百二十一卷六年魏人遣中山王辰迎楊難當

詣平城秋七月以劉真道為雍州刺史雍於裴方明為

梁南秦二州刺史方明辭不拜考異曰真道傳此事在胡崇之沒後氏胡傳

崇之沒在明年二月即真道傳誤丙寅魏主使安西將軍古弼考異曰宋索



虜傳作吐奚愛弼氏胡傳作吐奚弼蓋其舊姓今從後魏書

督隴右諸軍及殿中虎

賁

賁音奔

與武都王楊保宗自祁山南入

保宗奔魏見上卷十六年

征

西將軍漁陽皮豹子與琅邪王司馬楚之督關中諸軍

自散關西入俱會仇池又使譙王司馬文思督洛豫諸

軍南趨襄陽

營陽王景平二年魏取河南置洛州於洛陽豫州於虎牢趨七喻翻下同

征南

將軍刁雍東趨廣陵

雍於容翻

移書徐州稱為楊難當報仇

為於偽翻

甲戌晦日有食之

唐契之攻闕爽也

考異曰宋氏胡

傳作闕爽今從後魏書

爽遣使詐降於沮渠無諱欲與之共擊契

使疏吏翻  
降戶江翻

八月無諱將其衆趨高昌比至

將即亮翻下同比必利翻

及契已死，爽閉門拒之。九月，無諱將衛興奴夜襲高昌。

屠其城。

考異曰：宋書衛興奴作衛奈，今從後魏書。

爽犇柔然，無諱據高昌。

遣其常侍氾雋奉表詣建康。

凡音

詔以無諱都督涼河

沙三州諸軍事，征西大將軍、涼州刺史、河西王。

考異曰：宋紀

封爵在六月傳在九月末，今從傳。

冬十月己卯，魏立皇子伏羅為晉

王。翰為秦王，譚為燕王，建為楚王，余為吳王。甲申，柔

然遣使詣建康。十二月辛巳，魏襄城孝王盧魯元卒。

丙申詔魯郡修孔子廟及學舍蠲墓側五戶課役以

供灑掃

灑所賣翻又所買翻  
掃素報翻又蘇老翻

李寶遣其弟懷達子承

奉表詣平城魏人以寶為都督西垂諸軍事

遠邊日垂

鎮西

大將軍開府儀同三司沙州牧敦煌公

敦煌徒門翻

四品以下

聽承制假授

雍州刺史晉安襄侯劉道產卒道產善

為政民安其業小大豐贍由是民間有襄陽樂歌

雍於用翻

贍時艷翻卒子  
恤翻樂音洛

山蠻前後不可制者皆出緣沔為村落

戶口殷盛及卒蠻追送至沔口未幾羣蠻大動

道產卒未幾而

羣蠻作亂後之人不能容養之也沔陽充翻幾居豈翻

征西司馬朱修之討之不

利詔建威將軍沈慶之代之殺虜萬餘人魏主使尚

書李順差次羣臣賜以爵位順受賄品第不平是歲涼

州人徐桀告之魏主怒且以順保庇沮渠氏面欺誤國

事見上卷  
十六年 賜順死

二十年春正月魏皮豹子進擊樂鄉將軍王奐之等敗

沒魏軍進至下辯將軍强玄明等敗死

强其兩翻

二月胡崇

之與魏戰於濁水崇之為魏所擒餘衆走還漢中將軍

姜道祖兵敗降魏

降戶江翻

魏遂取仇池楊保熾走

丙午

魏主如恒山之陽

恒戶登翻

三月庚申還宮

壬戌烏洛侯

國遣使如魏

烏洛侯國在地豆干國北去代四千五百餘里地豆干在室韋西千餘里室韋當勿

吉之北勿吉在高麗之北則烏洛侯東夷也使疏吏翻

初魏之居北荒也鑿石為

廟在烏洛侯西北以祀其先高七十尺深九十步

度高曰高

音居號翻度深曰深音式禁翻

及烏洛侯使者至魏言石廟具在魏主

遣中書侍郎李敞詣石廟致祭刻祝文於壁而還去平

城四千餘里

魏河間公齊與武都王楊保宗對鎮雒

谷

維谷即駱谷北史作駱

保宗弟文德說保宗令閉險自固以叛

魏

說輸芮翻

或以告齊夏四月齊誘執保宗送平城殺之前

鎮東司符達

司上當有軍字否則司下當有馬字

征西從事中郎任肱等

符達等皆楊氏官屬也任音壬肱數尾翻

遂舉兵立楊文德為主據白崖

大令

安軍東北八十里有白崖大安軍古葭萌地也

考異

曰宋氏胡傳云拓跋齊聞兵起遁走達追擊斬齊因據

白崖按後魏河間公齊傳云文德求援於宋宋遣房亮之符昭啖龍等帥衆助文德斬龍禽亮之氏遂平以功

拜內都大官卒然則宋書誤也

分兵取諸戍進圍仇池自號征西將軍

秦河梁三州牧仇池公

考異曰宋書在三月魏書在四月今從之

甲午

立皇子誕為廣陵王 丁酉魏大赦 己亥魏主如陰

山 五月魏古弼發上邽高平岍城諸軍擊楊文德

岍城

意當作汧城  
汧口堅翻

文德退走皮豹子督關中諸軍至下辯聞

仇池解圍欲還弼遣人謂豹子曰宋人恥敗必將復來

復扶  
又翻

軍還之後再舉為難不如練兵蓄力以待之不出

秋冬宋師必至以逸待勞無不克矣豹子從之魏以豹

子為仇池鎮將楊文德遣使來求援

使疏  
吏翻

秋七月癸丑

詔以文德為都督北秦雍二州諸軍事征西大將軍北

秦州刺史武都王

雍於用翻

文德屯葭蘆城

五代志武都郡盤堤縣西魏之

南五部縣也魏又置武陽郡及葭蘆縣後周皆併入盤堤祝穆曰盤池山在階州福津縣東南七十里郡縣志魏將鄧艾與蜀將姜維相持於此置葭蘆戍後於此置縣以任肱為左司馬武都陰

平氏多歸之

甲子前雍州刺史劉真道梁南秦二州

刺史裴方明坐破仇池滅匿金寶及善馬下獄死

宋人捨功

錄過自戮良將宜其為魏人所窺下遐稼翻

九月辛巳魏主如漠南甲辰

捨輜重

重直用翻

以輕騎襲柔然

騎奇奇翻下同

分軍為四道樂安

王範建寧王崇各統十五將出東道樂平王丕督十五



將出西道魏主出中道中山王辰督十五將為後繼

將即

亮魏主至鹿渾谷

鹿渾谷即鹿渾海之谷也本高車袁紇部所居其地直平城西北其東即

弱洛遇敕連可汗

可從刊入聲汗音寒

太子晃言於魏主曰賊不

意大軍猝至宜掩其不備速進擊之尚書令劉絜固諫

以為賊營中塵盛其衆必多出至平地恐為所圍不如

須諸軍大集

須待也

然後擊之晃曰塵之盛者由軍士驚

怖擾亂故也

怖普布翻

何得營上而有此塵乎魏主疑之不

急擊柔然遁去追至石水不及而還

石水在頰根河北還從宣翻又如字

既而獲柔然候騎曰柔然不覺魏軍至上下惶駭引衆

北走經六七日知無追者乃始徐行魏主深恨之

為魏誅劉

掣中山王辰等張本

自是軍國大事皆與太子謀之司馬楚之別

將兵督軍糧鎮北將軍封沓亡降柔然說柔然令擊楚

之以絕軍食

降戶江翻說輸芮翻

俄而軍中有告失驢耳者諸將

莫曉其故楚之曰此必賊遣姦人入營覘伺

覘丑廉翻又丑艷翻

伺相吏翻

割驢耳以為信耳賊至不久宜急為之備乃伐柳

為城以水灌之令凍城立而柔然至冰堅滑不可攻乃

散走 十一月將軍姜道盛與楊文德合衆二萬攻魏

濁水戍魏皮豹子河間公齊救之道盛敗死 甲子魏

主還至朔方下詔令皇太子副理萬機總統百揆

異曰考

宋索虜傳晃與大臣崔氏冠氏不睦崔冠諧之玄高道  
人有道術晃使祈福七日七夜佛狸夢其祖父並怒手  
刃向之曰汝何故信讒欲害太子佛狸驚覺下偽詔曰  
王者大業纂承為重儲宮嗣紹百王舊例自今以往事  
無巨細必經太子然後上 且曰諸功臣勤勞日久皆當  
聞事節小異今從後魏書

以爵歸第隨時朝請饗宴朕前論道陳謨而已不宜復

煩以劇職

朝直遙翻復扶又翻

更舉賢俊以備百官十二月丁卯

魏主還平城

自伐柔然還也

二十一年春正月己亥帝耕藉田大赦

藉秦昔翻 考異曰宋畧辛酉

藉田大赦下有戊午又有辛酉誤也今從宋書

壬寅魏太子始總百揆命侍

中中書監穆壽司徒崔浩侍中張黎古弼輔太子決庶

政上書者皆稱臣儀與表同古弼為人忠慎質直嘗以

上谷苑囿太廣乞減太半以賜貧民入見魏主欲奏其

事

據北史古弼傳時上谷人上書言苑囿過度人無田業宜減太半以賜貧者蓋上谷距代都甚遠魏未嘗

置苑囿於其地而道武帝起鹿苑於南臺陰北距長城東苞白登屬之西山廣輪數十里天興六年幸南平城

規度灤南夏屋山背黃瓜堆以建新邑至天賜三年遂築灤南宮闕引溝穿池廣苑園所謂太廣者此也不在

上谷當以北史為正見賢通鑑

帝方與給事中劉樹圍碁志不在弼弼

侍坐良久不獲陳聞

坐徂卧翻

忽起摔樹頭

摔昨没翻

掣下牀搏

其耳毆其背

掣尺列翻毆烏口翻

曰朝廷不治實爾之罪

治直之翻

帝

失容捨碁曰不聽奏事朕之過也樹何罪置之弼具以

狀聞帝皆可其奏弼曰為人臣無禮至此其罪大矣出

詣公車免冠徒跣請罪帝召入謂曰吾聞築社之役蹇

蹇而築之

蜀注曰蹇蹇而顛蹇也

端冕而事之神降之福然則卿

有何罪其冠履就職苟可以利社稷便百姓者竭力為之勿顧慮也太子課民稼穡使無牛者借人牛以耕種而為之芸田以償之

為於偽翻

凡耕種二十二畝而芸七畝

大略以是為率使民各標姓名於田首以知其勤惰禁飲酒遊戲者於是墾田大增 戊申魏主詔王公以下

至庶人有私養沙門巫覡於家者

男曰巫女曰覡刑狄翻

皆遣詣

官曹過二月十五日不出沙門巫覡死主人門誅

門誅者闔

門盡誅之 庚戌又詔王公卿大夫之子皆詣太學其百工商

賈之子當各習父兄之業

賈音古

毋得私立學校

校戶

違

者師死主人門誅

二月辛未魏中山王辰內都坐大

官薛辨

魏置中都大官外都大官都坐大官皆掌折獄謂之三都坐徂卧翻

尚書奚眷等

八將

將即亮翻下同

坐擊柔然後期斬於都南初魏尚書令劉

絜久典機要

宋高祖永初末魏明元帝寢疾魏主監國劉絜與古弼等選侍東宮對綜機要至是

二十餘年矣

恃寵自專魏主心惡之

惡烏路翻

及將襲柔然絜諫

曰蠕蠕遷徙無常前者出師勞而無功

絜之言蓋指太延四年魏主伐

柔然至白阜時也蠕人充翻

不如廣農積穀以待其來崔浩固勸魏

主行魏主從之絜恥其言不用欲敗魏師

敗補  
邁翻

魏主與

諸將期會鹿渾谷絜矯詔易其期帝至鹿渾谷欲擊柔  
然絜諫止之使待諸將帝留鹿渾谷六日諸將不至柔  
然遂遠遁追之不及軍還經漠中糧盡士卒多死絜陰  
使人驚魏軍勸帝委軍輕還帝不從絜以軍出無功請  
治崔浩之罪

治直之  
翻下同

帝曰諸將失期遇賊不擊浩何罪

也浩以絜矯詔事白帝帝至五原收絜囚之帝之北行  
也絜私謂所親曰若車駕不返吾當立樂平王絜聞尚



書右丞張嵩家有圖識問曰劉氏應王繼國家後吾有

姓名否嵩曰有姓無名帝聞之命有司窮治索嵩家得

識書

索山客翻

事連南康公狄鄰絜嵩鄰皆夷三族死者百

餘人絜在勢要好作威福

好呼到翻

諸將破敵所得財物皆

與絜分之既死籍其家財巨萬帝每言之則切齒癸酉

樂平侯王丕以憂卒初魏主築白臺高二百餘尺

魏主嗣泰

常二年秋七月乙酉起白臺於平城南高二十丈

丕夢登其上四顧不見人命

術士董道秀筮之道秀曰大吉丕默有喜色及丕卒道

秀亦坐棄市高允聞之曰夫筮者皆當依附又象勸以

忠孝

漢嚴君平卜筮於成都市人有邪惡非正之問則依著龜為言利害與人子言依於孝與人弟言依

於順與人臣言依於忠各因勢道王之問道秀也道秀之以善高允之言祖君平之術也

宜曰窮高為亢易曰亢龍有悔又曰高而無民

易乾上九及文

言之辭亢苦浪翻

皆不祥也王不可以不戒如此則王安於上

身全於下矣道秀反之宜其死也 庚辰魏主幸廬

自南

北國分治人主所至例不書幸此必誤也

己丑江夏王義恭進位太尉領

司徒

夏戶雅翻

庚寅以侍中領右衛將軍沈演之為中領

軍左衛將軍范曄為太子詹事 辛卯立皇子宏為建

平王 三月甲辰魏主還宮 癸丑魏主遣司空長孫

道生鎮統萬

長知兩翻

夏四月乙亥魏侍中太宰陽平王

杜超為帳下所殺 六月魏北部民殺立義將軍衡陽

公莫孤帥五千餘落北走遣兵追擊之至漠南殺其渠

帥餘徙冀相定三州為營戶

杜佑曰魏道武天興中詔採漏戶令輸綸綿自後諸

逃戶占為紬繭羅穀者甚衆於是雜營戶率徧於天下不隸守宰賦役不同景穆皇帝一切罷之以屬郡縣孤

帥讀曰率渠帥所類翻相息亮翻

吐谷渾王慕利延兄子緯世與魏

使者謀降魏

緯世即阿柴之長子緯代也北史避唐太宗諱改世為代使疏吏翻降戶江翻慕

利延殺之是月緯世弟叱力延等八人犇魏魏以叱力

延為歸義王

沮渠無諱卒

沮子余翻

弟安周代立

魏入

中國以來雖頗用古禮祀天地宗廟百神而猶循其舊

俗所祀胡神甚衆崔浩請存合於祀典者五十七所其

餘複重及小神悉罷之

重直龍翻

魏主從之

秋七月癸卯

魏東雍州刺史沮渠秉謀反伏誅

隋志絳郡後魏置東雍州後周改曰絳州

雍於用翻

八月乙丑魏主畋於河西尚書令古弼留守

守手

又翻詔以肥馬給獵騎弼悉以弱者給之帝大怒曰筆頭

奴敢裁量朕

騎奇寄翻  
量音良

朕還臺先斬此奴弼頭銳故帝

常以筆目之弼官屬惶怖恐并坐誅

怖普  
布翻

弼曰吾為人

臣不使人主盤於遊畋

盤樂  
也

其罪小不備不虞乏軍國

之用其罪大令蠕蠕方彊南寇未滅吾以肥馬供軍弱

馬供獵為國遠慮

為於  
偽翻

雖死何傷且吾自為之非諸君

之憂也帝聞之歎曰有臣如此國之寶也賜衣一襲

衣一

稱為一襲猶今  
言一副衣服也

馬二匹鹿十頭他日魏主復畋於山北

山北平城北山獲麋鹿數千頭詔尚書發車五百乘以之北復扶又翻

運之

觀下載弼表蓋發民車也乘繩證翻

詔使已去魏主謂左右曰筆公

必不與我汝輩不如以馬運之遂還行百餘里得弼表

曰今秋穀懸黃麻菽布野豬鹿竊食鳥鴈侵費風雨所

耗朝夕三倍

言夕之所收較於朝之所收得失三倍收獲不可以不速載麋鹿猶可緩

乞賜

矜緩使得收載帝曰果如吾言筆公可謂社稷之臣矣

魏主使員外散騎常侍高濟來聘

散悉亶翻騎奇寄翻

戊辰

以荊州刺史衡陽王義季為征北大將軍開府儀同三

司南兖州刺史以南譙王義宣為荊州刺史初帝以義

宣不才故不用會稽公主屢以為言帝不得已用之會稽

公主高祖長女帝深加禮敬家事大小必咨之會工外翻先賜中詔敕之曰師護以

在西久詔自中出不經門下者謂之中詔令之手詔是也敕戒也義季小字師護比表求還

比毗至翻頻也今欲聽許以汝代之師護雖無殊績絜已節用

絜與潔同通懷期物不恣羣下聲著西土為士庶所安論者

乃未議遷之今之回換更為汝與師護年時一輩偽為於翻

欲各試其能汝往脫有一事減之者既於西夏交有巨

礙

江左六朝以荆楚為西夏夏戶雅翻

遷代之譏必歸責於吾矣

言遷代之際所

任非人也

此事亦易勉耳無為使人復生評論也

易以鼓翻復扶又翻

義宣至鎮勤自課厲事亦修理庚辰會稽長公主卒

長知

兩翻卒子恤翻

吐谷渾叱力延等請師於魏以討吐谷渾王

慕利延魏主使晉王伏羅督諸軍擊之九月甲辰以

沮渠安周為都督涼河沙三州諸軍事涼州刺史河西

王丁未魏主如漠南將襲柔然柔然敕連可汗遠遁

乃止敕連尋卒子吐賀真立號處羅可汗

魏收曰處羅魏言唯也可



從刊入聲  
汗音寒

魏晉王伏羅至樂都

樂音洛

引兵從間道襲

吐谷渾

間古覓翻

至大母橋吐谷渾王慕利延大驚逃犇白

蘭慕利延兄子拾寅犇河西魏軍斬首五千餘級慕利

延從弟伏念等帥萬三千落降於魏

慕利延背阿柴折箭之誠使之招引

外寇至於衆叛親離固其宜也  
從才用翻帥讀曰率降戶江翻

冬十月己卯以左軍

將軍徐瓊為兖州刺史大將軍參軍申恬為冀州刺史

徙兖州鎮須昌

沈約曰武帝定河南以兖州治滑臺文帝元嘉十三年治鄒山又寄治彭城此

又自彭城徙須昌也

冀州鎮歷下

歷下即歷城

恬謨之弟也

十二月

魏主還平城 是歲沙州牧李寶入朝於魏魏人留之

以為外都大官

為李氏貴盛張本朝直遙翻

太子率更令何承天

撰元嘉新歷表上之

更工衡翻上時掌翻下所上同

以月食之衝知日

所在

日與月對衝光相掩而知之

又以中星檢之知堯時冬至日在

須女十度

此以堯典日短星昴推之

今在斗十七度又測景校二至

差三日有餘

此亦用周禮測日之景之法也

知今之南至日應在斗

十三四度於是更立新法冬至徙上三日五時日之所

在移舊四度又月有遲疾前歷合朔月食不在朔望

月食

上當有日字 今皆以贏縮定其小餘以正朔望之日

盈或作  
歷法

有大餘小餘史記歷書曰大餘者日也小餘者月也周天三百六十五度四分度之一日日行一度十二月而一周天歲十二月凡三百五十四日以六除之五六三百日餘五十四日為大餘周天三百六十五度以六甲除之六六三百六十餘五為大餘小餘即四分之一未滿日之分數也其分每滿三十二則成一曰蓋奇日為大餘奇分為小

詔付外詳之太史令錢樂之等奏皆如

承天所上唯月有頻三大頻二小比舊法殊為乖異謂宜仍舊詔可

二十二年春正月辛卯朔始行新歷初漢京房以十二

律中呂上生黃鍾不滿九寸更演為六十律

中讀曰仲更工衡翻

下錢樂之復演為三百六十律

復扶又翻

日當一管何承天

立議以為上下相生三分損益其一蓋古人簡易之法

易以豉翻

猶如古歷周天三百六十五度四分度之一也而

京房不悟謬為六十乃更設新律林鍾長六寸一釐則

從中呂還得黃鍾十二旋宮聲韻無失

長直亮翻中讀曰仲律歷志黃

鍾律九寸三分損一下生林鍾律六寸三分林鍾益一  
上生太簇三分太簇損一下生南呂三分南呂益一上  
生姑洗三分姑洗損一下生應鍾三分應鍾益一上生  
蕤賓三分蕤賓損一下生大呂三分大呂益一上生夷

則三分夷則損一下生夾鍾三分夾鍾益一上生無射  
三分無射損一下生中呂陰陽相生自黃鍾始而左旋  
八八為伍孟康注曰從子數至未得八下生林鍾數未  
至寅得八上生太簇律上下相生皆以此為率伍耦也  
八八為耦然月令注中呂律長六寸萬九千六百八十  
三分寸之萬二千九百七十四若上生黃鍾當不止九  
寸故孔穎達考其同異於月令疏曰十二律有上生下  
生同位異位長短分寸之別故鄭注周禮太師職云其  
相生則以陰陽六體黃鍾初九下生林鍾之初六林鍾  
又上生太簇之九二太簇又下生南呂之六二南呂又  
上生姑洗之九三姑洗又下生應鍾之六三應鍾又上  
生蕤賓之九四蕤賓又上生大呂之六四大呂又下生  
夷則之九五夷則又上生夾鍾之六五夾鍾又下生無  
射之上九無射又上生中呂之上六同位者象夫妻異  
位者象子母所謂律娶妻而呂生子也同位象夫妻者  
則黃鍾之初九下生林鍾之初六同是初位故為夫婦

又是律娶妻也異位為子母者謂林鍾上生太簇林鍾  
是初位太簇是二位故云異位為子母又是呂生子也  
云五下六上者鄭注云五下六上乃一終矣謂林鍾夷  
則南呂無射應鍾皆被子午以東之管三分減一而下  
生之大呂太簇夾鍾姑洗中呂蕤賓皆被子午以西之  
管三分益一而上生之子午皆上生應云七上而云六  
上者以黃鍾為諸律之首物莫之先似若無所稟生者  
故不數黃鍾也其實十二律終於中呂反歸黃鍾生於  
中呂三分益一大略得應黃鍾九寸之數也律歷志云  
黃鍾為天統林鍾為地統太簇為人統故數整餘律則  
各有分數隨其相生之次每辰各自為宮各有五聲黃  
鍾為第一宮下生林鍾為徵上生太簇為商下生南呂  
為羽上生姑洗為角林鍾為第二宮上生太簇為徵下  
生南呂為商上生姑洗為羽下生應鍾為角太簇為第  
三宮下生南呂為徵上生姑洗為商下生應鍾為羽上  
生蕤賓為角南呂為第四宮上生姑洗為徵下生應鍾

為商上生蕤賓為羽下生大呂為角姑洗為第五宮下  
生應鍾為徵上生蕤賓為商上生大呂為羽下生夷則  
為角應鍾為第六宮上生蕤賓為徵上恐當作下上生  
大呂為商下生夷則為羽上生夾鍾為角蕤賓為第七  
宮上生大呂為徵下生夷則為商上生夾鍾為羽下生  
無射為角大呂為第八宮下生夷則為徵上生夾鍾為  
商下生無射為羽上生中呂為角夷則為第九宮上生  
夾鍾為徵下生無射為商上生中呂為羽上生黃鍾為  
角夾鍾為第十宮下生無射為徵上生中呂為商上生  
黃鍾為羽下生林鍾為角無射為第十一宮上生中呂  
為徵上生黃鍾為商下生林鍾為羽下生太簇為角中  
呂為第十二宮上生黃鍾為徵下生林鍾為商上生太  
簇為羽下生南呂為角是十二宮各有五聲凡六十聲  
京房六十律相生之法以上生下皆三生二以下生上  
皆三生四陽下生陰陰上生陽終於中呂而十二律畢  
矣中呂上生執始執始下生去滅上下相生終於南事

而六十律畢矣夫十二律之變至於六十猶八卦之變至於六十四也六十律之名詳見續漢書補志

壬辰以武陵王駿為雍州刺史

雍於用翻

帝欲經略關河故

以駿鎮襄陽

魏主使散騎常侍宋悛來聘

散悉亶翻騎奇寄翻

悛於令翻

二月魏主如上黨西至吐京

酈道元曰吐京即漢西河郡吐軍縣

夷夏俗音訛也後魏置吐京郡隋隰州石樓縣魏吐京郡地

討徙叛胡出配郡縣

甲戌立皇子祿為東海王昶為義陽王

祿吁韋翻昶丑兩翻

三

月庚申魏主還宮

魏詔諸疑獄皆付中書以經義量

決量音良

夏四月庚戌魏主遣征西大將軍高涼王那



等擊吐谷渾王慕利延於白蘭秦州刺史代人封敕文

安遠將軍乙烏頭擊慕利延兄子什歸於枹罕

枹音膚

河西之亡也鄯善人以其地與魏鄰大懼

鄯上扇翻

曰通其

使人知我國虛實取亡必速乃閉斷魏道

閉斷魏通西域之道也使

疏吏翻下同斷丁管翻

使者往來輒鈔劫之

鈔楚交翻

由是西域不通

者數年魏主使散騎常侍萬度歸發涼州以西兵擊鄯

善 六月壬辰魏主北巡

帝謀伐魏罷南豫州入豫

州以南豫州刺史南平王鑠為豫州刺史

高祖永初二年分淮東之

地為南豫州治歷陽淮西為豫州  
或治壽陽或治汝南鑠式約翻

秋七月己未以尚

書僕射孟顗為左僕射

顗魚豈翻

中護軍何尚之為右僕射

武陵王駿將之鎮時緣沔諸蠻猶為寇

沔彌充翻

水陸梗

礙駿分軍遣撫軍中兵參軍沈慶之掩擊大破之駿至

鎮蠻斷驛道

斷丁管翻

欲攻隨郡隨郡太守河東柳元景募

得六七百人邀擊大破之遂平諸蠻獲七萬餘口涓山

蠻窟彊

水經注云水出蔡陽縣東南大洪山山在隨郡之西南竟陵之東北槃基所跨廣圓一百餘里

涓水出於其山之陰時人以為涓水所導亦曰涓山涓音云

沈慶之討平之獲三萬

餘口徙萬餘口於建康 吐谷渾什歸聞魏軍將至棄

城夜遁八月丁亥封敕文入枹罕分徙其民千家還上

邦留乙烏頭守枹罕

枹音膚

萬度歸至敦煌留輜重以

輕騎五千度流沙襲鄯善壬辰鄯善王真達面縛出降

度歸留軍屯守與真達詣平城

敦徒門翻重直用翻騎奇寄翻降戶江翻考

異曰本紀作真達興今從西域傳

西域復通

復扶又翻

魏主如陰山之北

發諸州兵三分之一各於其州戒嚴以須後命

須待也

徙

諸種雜民五千餘家於北邊

種章勇翻

令就北畜牧以餌柔

然壬寅魏高涼王那軍至寧頭城

寧頭城當在白蘭東北

吐谷

渾王慕利延擁其部落西度流沙吐谷渾慕瑣之子被

囊逆戰那擊破之被囊遁走中山公杜豐帥精騎追之

瑣古回翻  
帥讀曰率

度三危至雪山

酈道元曰三危山在敦煌縣南

生擒被囊及

吐谷渾什歸乞伏熾盤之子成龍皆送平城

乞伏成龍蓋因赫連

定之敗沒  
於吐谷渾

慕利延遂西入于闐

闐徒賢翻  
又徒見翻

殺其王據其

地死者數萬人

九月癸酉上餞衡陽王義季於武帳

岡

餞義季往鎮南兖杜佑曰武帳岡在廣莫門外宣武場設行宮殿便坐於其上因名

上將行敕

諸子且勿食至會所設饌日旰不至

饌雞鵝又雞  
晚翻旰古案翻

有

飢色上乃謂曰汝曹少長豐佚

少詩沼翻  
長知兩翻

不見百姓艱

難今使汝曹識有饑苦知以節儉御物耳

裴子野論曰善乎太祖之訓也夫侈興於有餘儉生

於不足欲其隱約莫若貧賤習其險艱利以任使達

其情偽易以躬臨

易以  
致翻

太祖若能率此訓也難其志

操卑其禮秩教成德立然後授以政事則無怠無荒

可播之於九服矣

周制九服侯服甸服男服采服衛  
服蠻服夷服鎮服每服五百里謂

之服者責以服事天子為職也

高祖思固本枝崇樹襁褓後世遵守

迭據方岳

謂義真義康義恭義宣皆迭居方面襁居兩翻褓音保

及乎秦始之

初升明之季絕咽於衾衽者動數十人

謂明帝殺孝武諸子而宋

齊禪代之際蕭氏夷劉氏也咽音煙

國之存亡既不是繫早肆民上

左傳

晉師曠曰天之愛民甚矣豈其使一人肆於民上

非善誨也

魏民間訛言滅魏者吳盧水胡蓋吳聚眾反於杏城

蓋吳

蓋安定盧水胡種而分居杏城蓋古蓋翻

諸眾胡爭應之

種章勇翻

有眾十餘萬

遣其黨趙綰來上表自歸冬十月戊子長安鎮副將拓

跋紇帥衆討吳紇敗死

上時掌翻將即亮翻紇下沒翻

吳衆愈盛民皆

渡渭犇南山

長安南山也

魏主發高平敕勒騎赴長安命將

軍叔孫拔領攝井秦雍三州兵屯渭北

騎奇寄翻雍於用翻

十

一月魏發冀州民造浮橋於碣磧津

蓋吳遣別部帥

白廣平

帥所類翻

西掠新平安定諸胡皆聚衆應之又分兵

東掠臨晉已東

巴當作已

將軍章直擊破之溺死於河者三

萬餘人

溺奴狄翻

吳又遣兵西掠至長安將軍叔孫拔與戰

於渭北大破之斬首三萬餘級河東蜀薛永宗聚衆以

應吳

蜀人遷居河東者謂之河東蜀居絳郡者謂之絳蜀居關中赤水者謂之赤水蜀

襲擊聞

喜

聞喜縣屬河東郡春秋時晉武公所居之曲沃也秦改為左邑漢武帝於此聞南越破改曰聞喜後魏分

屬絳郡

聞喜縣無兵仗令憂惶無計縣人裴駿帥厲鄉豪

擊之

帥讀曰率

永宗引去魏主命薛謹之子拔糾合宗鄉

宗謂

薛之宗族鄉謂鄉人

壁於河際以斷二寇往來之路

二寇謂薛永宗蓋吳斷丁

管翻庚午魏主使殿中尚書拓跋處直等將二萬騎討薛

永宗殿中尚書乙拔將三萬騎討蓋吳

晉置殿中尚書與吏部五兵田

曹度支左民為六曹杜佑曰後魏初有殿中樂部駕部南部北部五尚書殿中掌殿內兵馬倉庫樂部掌伎樂



及角使伍伯駕部掌牛馬驢騾南部掌南邊諸州郡北  
部掌北邊諸州郡魏書官氏志內入諸姓乙弗氏改為

乙氏處昌呂翻將即西平公寇提將萬騎討白廣平官  
亮翻騎奇寄翻下同

志內入諸姓若口吳自號天台王署置百官辛未魏  
引氏改為寇氏

主還宮自陰山還也魏選六州驍騎二萬六州冀定相并幽平驍堅堯翻

使永昌王仁高涼王那分將之為二道掠淮泗以北徙

青徐之民以實河北癸未魏主西巡初魯國孔熙

先博學文史兼通數術有縱橫才志縱子容翻為員外散騎

侍郎不為時所知憤憤不得志父默之為廣州刺史以

賊獲罪大將軍彭城王義康為救解得免為於及義康

遷豫章義康遷見上熙先密懷報効且以為天文圖識

識楚帝必以非道晏駕由骨肉相殘江州應出天子以

范曄志意不滿欲引與同謀而熙先素不為曄所重太

子中舍人謝綜曄之甥也太子中舍人晉咸寧四年置

庶子共掌文翰職如黃門熙先傾身事之綜引熙先與

曄相識熙先家饒於財數與曄博故為拙行以物輸之

數所角翻凡博弈以計數誘人謂之曄既利其財又愛

其文藝由是情好款洽熙先乃從容說曄曰大將軍英

斷聰敏

好呼到翻從於容翻斷  
丁亂翻大將軍謂義康

人神攸屬

屬之  
欲翻

失職南

垂

謂遷豫  
章也

天下憤怨小人受先君遺命以死報大將軍

之德頃人情騷動天文舛錯此所謂時運之至不可推

移者也若順天人之心結英豪之士表裏相應發於肘

腋

腋音  
亦

然後誅除異我崇奉明聖號令天下誰敢不從

小人請以七尺之軀三寸之舌立功立事而歸諸君子

丈人以為何如曄甚愕然熙先曰昔毛玠竭節於魏武

張溫畢議於孫權彼二人者皆國之俊又豈言行玷缺

然後至於禍辱哉皆以廉直勁正不得久容

毛玠見六十七卷漢

獻帝建安二十一年張溫事見六十九卷魏文帝黃初五年行下孟翻下內行同玷多忝翻

丈人之

於本朝不深於二主人間雅譽過於兩臣讒夫側目為

日久矣比肩競逐庸可遂乎

言與時貴比肩競逐榮利所在衆所共爭將不得遂

其志也朝直遙翻

近者殷鐵一言而劉班碎首

見上卷十七年

彼豈父

兄之讐百世之怨乎所爭不過榮名勢利先後之間耳及其末也唯恐陷之不深發之不早戮及百口猶曰未

厭是可為寒心悼懼豈書籍遠事也哉今建大勲奉賢

哲圖難於易

易以鼓翻

以安易危享厚利收鴻名一旦苞舉

而有之豈可棄置而不取哉曄猶疑未決熙先曰又有

過於此者愚則未敢道耳曄曰何謂也熙先曰丈人奔

葉清通

曄曾祖汪祖寧父泰皆有名行

而不得連姻帝室人以犬豕相

遇而丈人曾不恥之欲為之死不亦惑乎

為於偽翻

曄門無

內行故熙先以此激之曄默然不應反意乃決曄與沈  
演之竝為帝所知曄先至必待演之俱入演之先至嘗

獨被引

被皮義翻引引見也

曄以此為怨曄累經義康府佐中間

獲罪於義康謝綜及父述皆為義康所厚綜弟約娶義

康女綜為義康記室參軍自豫章還申義康意於曄求

解晚隙復敦往好

復扶又翻好呼到翻

大將軍府史仲承祖有寵

於義康聞熙先有謀密相結納丹楊尹徐湛之素為義

康所愛承祖因此結事湛之告以密計道人法略尼法

靜皆感義康舊恩並與熙先往來法靜妹夫許曜領隊

在臺

江南謂禁中為臺

許為內應法靜之豫章熙先付以牋書

陳說圖識於是密相署置及素所不善者並入死目

分條

名目凡素所不善者皆欲置之死地

熙先又使弟休先作檄文稱賊臣趙

伯符肆兵犯蹕禍流諸宰

趙伯符時為領軍將軍故欲以弑逆之罪歸之言禍流諸

宰蓋欲併殺太子劬

湛之曄等投命奮戈即日斬伯符首及其黨

與今遣護軍將軍臧質奉璽綬迎彭城王正位辰極

北辰

為天極故以帝位為辰極璽斯氏翻綬音受

熙先以為舉大事宜須以義康

之旨諭衆曄又詐作義康與湛之書令誅君側之惡宣

示同黨帝之燕武帳岡也曄等謀以其日作亂許曜侍

帝扣刀目瞞

拔刀微出  
削為扣刀

瞞不敢仰視俄而座散徐湛之

恐事不濟密以其謀白帝帝使湛之具採取本末

探吐  
南翻

得其檄書選署姓名上之

上時  
掌翻

帝乃命有司收掩窮治

治直  
之翻

其夜呼瞞置客省

客省凡四方之客入  
見者居之屬典客令

先於外牧

綜及熙先兄弟皆款服帝遣使詰問瞞瞞猶隱拒

詰去  
吉翻

熙先聞之笑曰凡處分符檄書疏皆范所造

處昌呂  
分扶問  
翻

云何於今方作如此抵蹋邪帝以瞞墨迹示之乃具陳

本末明日仗士送付廷尉

仗士士之  
執兵仗者

熙先望風吐款辭



氣不撓

撓奴教翻

上奇其才遣人慰勉之曰以卿之才而滯

於集書省

散騎侍郎集書省官也蕭子顯曰自散騎侍郎及通直員外給事中奉朝請駙馬都尉皆

集書省職也

理應有異志此乃我負卿也又責前吏部尚書

何尚之曰使孔熙先年將三十作散騎郎那不作賊熙

先於獄中上書謝恩且陳圖讖深戒上以骨肉之禍

讖楚

諧翻曰願勿遺弃存之中書若囚死之後或可追錄庶九

泉之下少塞疊責

少詩詔翻塞悉則翻疊許覲翻

曄在獄為詩曰雖無

嵇生琴庶同夏侯色

嵇康為晉文王所殺臨命顧視日影索琴而彈夏侯玄為晉景王所

殺及赴東市  
顏色不變

曄本意謂入獄即死而上窮治其獄遂經

二旬曄更有生望獄吏戲之曰外傳詹事或當長繫曄

聞之驚喜綜熙先笑之曰詹事疇昔攘袂瞋目躍馬顧

盼自以為一世之雄今擾攘紛紜畏死乃爾

曄為太子詹事故稱

之瞋七人翻

設令賜以性命人臣圖主何顏可以生存十二

月乙未曄綜熙先及其子弟黨與皆伏誅曄母至市涕

泣責曄以手擊曄頸曄顏色不忤

忤疾各翻慙也

妹及妓妾來

別曄悲涕流漣

妓渠綺翻漣泣下貌

綜曰舅殊不及夏侯色曄收

淚而止謝約不預逆謀見兄綜與熙先遊常諫之曰此

人輕事好奇不近於道果銳無檢

言無檢束也好呼到翻近其新翻

未

可與狎綜不從而敗綜母以子弟自蹈逆亂獨不出視

曄語綜曰姊今不來勝人多矣收籍曄家樂器服玩並

皆珍麗妓妾不勝珠翠

語牛倨翻不勝音升

母居止單陋唯有一

厨盛樵薪

盛時征翻

弟子冬無被叔父單布衣

裴子野論曰夫有逸羣之才必思冲天之據

冲與狎同上飛

也古語云一飛冲天

蓋俗之量則憤常均之下

常均猶言平常也

其能

守之以道將之以禮殆為鮮乎

鮮息淺翻

劉弘仁范蔚宗

劉湛字弘仁范曄字蔚宗蔚於勿期

皆忸志而貪權

忸女九翻驕也玩也狎也

矜才

以徇逆累葉風素一朝而隕嚮之所謂智能翻為亡身之具矣

徐湛之所陳多不盡為曄等辭所連引上赦不問臧質

熹之子也

臧熹臧熹之弟質在臧里於帝為中表之親

先為徐兗二州刺史

與曄厚善曄敗以為義興太守有司奏削彭城王義康

爵收付廷尉治罪

治直之翻

丁酉詔免義康及其男女皆為

庶人絕屬籍徙付安成郡以寧朔將軍沈邵為安成相

領兵防守

相息亮翻

邵璞之兄也義康在安成讀書見淮南

厲王長事廢書歎曰自古有此我乃不知得罪為宜也

庚戌以前豫州刺史趙伯符為護軍將軍伯符孝穆皇

后之弟子也

高祖母趙氏追諡孝穆皇后后弟倫之

初江左二郊無樂

宗廟雖有登歌亦無二舞是歲南郊始設登歌

禮記郊特牲曰

奠酬而工升歌發德也歌者在上匏竹在下賁人聲也二舞文舞武舞也

魏安南平南府

移書兗州

安南平南二將軍府

以南國僑置諸州多濫北境名號

又欲遊獵具區

周官職方氏揚州藪曰具區師古曰具區在吳

兖州答移曰必

若因土立州則彼立徐揚豈有其地復知欲遊獵具區

復扶又翻

觀化南國開館飾邸則有司存呼韓入漢厥儀未

泯饋餼之秩每存豐厚

饋餉也饋餼餉客以生食及芻米也詩傳曰牲腥曰餼餼許既

翻

二十三年春正月庚申尚書左僕射孟顥罷 戊辰魏

主軍至東雍州

雍於用翻

臨薛永宗壘崔浩曰永宗未知陛

下自來衆心縱弛今北風迅疾宜急擊之魏主從之庚

午圍其壘永宗出戰大敗與家人皆赴汾水死

據南史薛安都

傳諸薛家於河東汾陰世為強族

其族人安都先據弘農棄城來犇辛

未魏主南如汾陰濟河至洛水橋

此華陰之洛水史記秦孝公之元年所謂

魏築長城自鄭濱洛者也

聞蓋吳在長安北帝以渭北地無穀草欲

渡渭南循渭而西以問崔浩對曰夫擊蛇者先擊其首

首破則尾不能掉

掉徒弔翻

今蓋吳營去此六十里輕騎趨

之

騎奇寄翻趨七喻翻

一日可到到則破之必矣破吳南向長安

亦不過一日一日之乏未至有傷若從南道則吳徐入

北山猝未可平帝不從自渭南向長安庚辰至戲水

戲許

宜吳衆聞之悉散入北地山

地字

軍無所獲帝悔之二

月丙戌帝至長安丙申如盤屋

盤屋音舟室

歷陳倉還如雍

城

雍於用翻下同

所過誅民夷與蓋吳通謀者乙拔等諸軍大

破蓋吳於杏城吳復遣使上表求援

使疏吏翻下以義推

詔以吳

為都督關隴諸軍事雍州刺史北地公使雍梁二州發

兵屯境上為吳聲援遣使賜吳印一百二十一紐使吳

隨宜假授

初林邑王范陽邁雖遣使入貢而寇盜不



絕使貢亦薄陋帝遣交州刺史檀和之討之南陽宗慤

家世儒素

慤叔父少文高尚不仕諸子羣從皆愛好墳典

慤獨好武事

好呼到

常

言願乘長風破萬里浪及和之伐林邑慤自奮請從軍

詔以慤為振武將軍和之遣慤為前鋒陽邁聞軍出遣

使請還所掠日南民輸金一萬斤銀十萬斤帝詔和之

若陽邁果有款誠亦許其歸順和之至朱梧戍

朱梧縣自漢以

來屬日南郡時於其地置戍宋白曰漢日南郡治朱吾又南行四百餘里至林邑國遣府戶曹參

軍姜仲基等詣陽邁

府者交州刺史府

陽邁執之和之乃進軍

園林邑將范扶龍於區粟城

水經注盧容水出日南盧容縣區粟城南高山東逕

區粟城北林邑兵眾戰具悉在城中將即亮翻

陽邁遣其將范毗沙達救之宗

慤潛兵迎擊毗沙達破之

魏主與崔浩皆信重冠謙

之奉其道浩素不喜佛法

喜許記翻

每言於魏主以為佛法

虛誕為世費害宜悉除之及魏主討蓋吳至長安入佛

寺沙門飲從官酒從官入其室

飲於鳩翻從才用翻

見大有兵器

出以白帝帝怒曰此非沙門所用必與蓋吳通謀欲為

亂耳命有司案誅闔寺沙門閱其財產大得釀具及州

郡牧守富人所寄藏物以萬計

守式又翻

又為窟室以匿婦

女

窟告骨翻

浩因說帝悉誅天下沙門毀諸經像

說輸芮翻

帝從

之寇謙之與浩固爭浩不從先盡誅長安沙門焚毀經

像并敕留臺下四方令一用長安法

魏主出征太子居守故謂平城為留

臺下退

稼翻

詔曰昔後漢荒君信惑邪偽以亂天常

佛法自漢明帝

時入中國楚王英最先好之至桓帝始事浮屠

自古九州之中未嘗有此夸誕

大言不本人情叔季之世莫不眩焉

目無常主不辯白黑謂之眩

由

是政教不行禮義大壞九服之內鞠為丘墟

鞠窮也

朕承

天緒欲除偽定真復義農之治

治直吏翻

其一切盪除滅其

蹤跡自今已後敢有事胡神及造形像泥人銅人者門

誅有非常之人然後能行非常之事非朕孰能去此歷

代之偽物

去羌呂翻

有司宣告征鎮諸軍刺史諸有浮圖形

像及胡經皆擊破焚燒沙門無少長悉阮之

少詩照翻長知兩翻

太子晃素好佛法

好呼到翻

屢諫不聽乃緩宣詔書使遠近

豫聞之得各為計沙門多亡匿獲免或收藏經像唯塔

廟在魏境者無復孑遺

復扶又翻

魏主徙長安工巧二千

家於平城還至洛水分軍誅李閏叛羌 太原顏白鹿

私入魏境

太原郡本屬并州江左以郡人南徙者僑立太原郡晉安帝義熙中土斷立太原縣屬秦

山郡元嘉十年割濟南秦山為太原郡境屬青州

為魏人所得將殺之詐云青

州刺史杜驥使其歸誠魏人送白鹿詣平城魏主喜曰

我外家也

魏主母杜氏故謂驥為外家

使崔浩作書與驥且命永昌

王仁高涼王那將兵迎驥攻冀州刺史申恬於歷城杜

驥遣其府司馬夏侯祖歡等將兵救歷城魏人遂寇青

兗冀三州至清東而還

清東清水之東也

殺掠甚衆北邊騷動

考異曰宋文帝紀三月索虜寇兗豫青冀刺史申恬破之魏太武紀二月永昌王仁至高平禽劉義隆將王章略金鄉方輿遷其民五千家於河北高涼王那至濟南東平陵遷其民六千餘家於河北蓋宋魏各據奏到之月書之耳宋索虜傳又云虜破掠太原得四千餘口蓋魏人誇張其數故不同耳帝以魏寇為

憂咨訪羣臣御史中丞何承天上表以為凡備匈奴之策不過二科武夫盡征伐之謀儒生講和親之約今欲追蹤衛霍自非大田淮泗內實青徐使民有贏儲野有積穀然後發精卒十萬一舉蕩夷則不足為也若但欲遣軍追討報其侵暴則彼必輕騎奔走不肯會戰

騎奇寄翻

徒興巨費不損於彼報復之役將遂無已斯策之最末者也安邊固守於計為長臣竊以曹孫之霸才均智敵江淮之間不居各數百里

曹孫謂曹操孫權也

何者斥候之郊非

耕牧之地故堅壁清野以俟其來整甲繕兵以乘其弊保民全境不出此塗要而歸之其策有四一曰移遠就近今青兗舊民及冀州新附在界首者三萬餘家可悉徙置大峴之南以實內地

峴戶典翻

二曰多築城邑以居新

徙之家假其經用春夏佃牧

佃讀曰田

秋冬入保寇至之時

一城千家堪戰之士不下二千其餘羸弱猶能登陴鼓

譟足抗羣虜三萬矣

羸倫為翻  
陴音疲

三曰纂偶車牛以載糧

械

纂綜  
集也

計千家之資不下五百耦牛為車五百兩

兩力  
讓翻

參合鈎連以衛其衆設使城不可固平行趨險

趨七  
喻翻賊

所不能干有急徵發信宿可聚四曰計丁課仗凡戰士

二千隨其便能各自有仗素所服習銘刻由已還保輸

之於庫出行請以自新

請器仗各自  
磨礪使精新

弓箠利鐵民不得

者官以漸充之

箠古  
早翻

數年之內軍用粗備矣

粗坐  
五翻

近郡



之師遠屯清濟

近郡謂南徐州所領諸僑郡及三吳近在邦域之中者濟子禮翻

功費

既重嗟怨亦深以臣料之未若即用彼衆之易也

易戈敗翻

今因民所利導而帥之

帥讀曰率

兵彊而敵不戒國富而民

不勞比於優復隊伍

復方目翻

坐食糧廩者不可同年而校

矣魏金城邊固天水梁會與秦益雜民萬餘戶據上

邽東城反攻逼西城秦益二州刺史封敕文拒却之氏

羌萬餘人休官屠各二萬餘人

休官屠各二種屠直於翻

皆起兵應

固會敕文擊固斬之餘衆推會為主與敕文相攻夏

四月甲申魏主至長安 丁未大赦 仇池人李洪聚

衆自言應王梁會求救於氐王楊文德文德曰兩雄不

並立若須我者宜先殺洪會誘洪斬之誘音酉送首於文

德五月癸亥魏主遣安豐公閭根帥騎赴上邽帥讀曰率騎奇

寄翻未至會棄東城走敕文先掘重塹於外重直龍翻嚴兵守

之格鬪從夜至旦敕文曰賊知無生路致死於我多殺

傷士卒未易克也易以豉翻乃以白虎幡宣告會衆降者赦

之降戶江翻會衆遂潰分兵追討悉平之略陽人王元達聚

衆屯松多川

水經注松多水出隴山西南流逕降隴城北又西南注秦水

敕文又討

平之 蓋吳收兵屯杏城自號秦地王聲勢復振

又復扶

魏主遣永昌王仁高涼王那督北道諸軍討之

北道諸軍謂魏

兵分屯長安以北者

檀和之等拔區粟斬范扶龍乘勝入象浦

象浦即盧容浦盧容縣即秦象郡象林縣地故亦謂之象浦

林邑王陽邁傾國來戰

以具裝被象前後無際

馬甲謂之具裝被皮義翻

宗慤曰吾聞外國

有師子威服百獸

師子似虎正黃有顚形尾端茸毛大如斗爾雅翼曰穆天子傳狡狔日走

五百里其為物最猛雖虎豹亦畏之象至以鼻捲泥自塗數尺數數噴鼻隅立師子直搏而殺之

乃製

其形與象相拒象果驚走林邑兵大敗和之遂克林邑

水經注林邑國都治典冲在壽冷縣阿貢浦西去海岸四十里考異曰本紀在六月傳在五月當是六月賞

檀和之等令從傳

陽邁父子挺身走所獲未名之寶不可勝計

宗慤一無所取還家之日衣櫛蕭然

勝音升櫛側瑟翻梳枇總名

六月癸未朔日有食之甲申魏發冀相定三州兵二萬

人相息亮翻

屯長安南山諸谷以備蓋吳竄逸丙戌又發司

幽定冀四州兵十萬人築畿上塞圍

魏都平城置司州於代都宋白曰唐

雲州雲中郡是

起上谷西至河廣縱千里

廣古曠翻縱子容翻

帝築北

隄立玄武湖

以其地在臺城之後故名玄武湖在今建康府上元縣北十里祝穆曰湖今為後軍

寨築景陽山於華林園

秋七月辛未以散騎常侍杜

坦為青州刺史坦驥之兄也初杜預之子耽避晉亂居

河西仕張氏前秦克涼州子孫始還關中高祖滅後秦

坦兄弟從高祖過江時江東王謝諸族方盛北人晚渡

者朝廷悉以儋荒遇之

儋助耕翻南人呼北人為儋荒言其自荒外來也

雖復

人才可施皆不得踐清塗上嘗與坦論金日磾曰恨今

無復此輩人

復扶又翻磾丁奚翻

坦曰日磾假生今世養馬不暇

豈辨見知上變色曰卿何量朝廷之薄也

量音良

坦曰請

以臣言之臣本中華高族晉氏喪亂

喪息浪翻

播遷涼土世

業相承不殞其舊直以南度不早便以荒僉賜隔日碑

胡人身為牧圉乃超登內侍齒列名賢

金日碑事見二十一卷漢武帝

後元二年

聖朝雖復拔才臣恐未必能也上默然

八月魏

高涼王那等破蓋吳獲其二叔諸將欲送詣平城長安

鎮將陸侯曰長安險固風俗豪伎

將即亮翻伎支義翻狠也

平時猶

不可忽况承荒亂之餘乎今不斬吳則長安之變未已

也吳一身潛竄非其親信誰能獲之若停十萬之衆以追一人又非長策不如私許吳叔免其妻子使自追吳擒之必矣諸將咸曰今賊黨衆已散唯吳一身何所能至俟曰諸君不見毒蛇乎不斷其首猶能為害

斷丁吳管翻

天性凶狡今若得脫必自稱王者不死以惑愚民為患愈大諸將曰公言是也但得賊不殺而更遣之若遂往不返將何以任其罪俟曰此罪我為諸君任之

為於偽翻任音

壬高涼王那亦以俟計為然遂赦二叔與刻期而遣之

及期吳叔不至諸將皆咎侯侯曰彼伺之未得其便耳

必不負也後數日吳叔果以吳首來傳詣平城

同相吏翻傳知

戀翻又直戀翻 考異曰宋索虜傳云屠各反吳自攻之為流矢所中死吳弟吾生率衆入木面山尋皆破散

今從魏書永昌王仁討吳餘黨白廣平路那羅悉平之以陸

侯為內都大官會安定盧水胡劉超等聚衆萬餘人反

魏主以侯威恩著於關中復加侯都督秦雍二州諸軍

事鎮長安

復扶又翻下復選復還同

謂侯曰關中奉化日淺

魏主平夏始得

關中恩信未洽吏民數為逆亂

數所角翻

今朕以重兵授卿則



超等必同心協力據險拒守未易攻也

易以

若兵少則

不能制賊

少詩  
沼翻

卿當自以方略取之俟乃單馬之鎮超

等聞之大喜以俟為無能為也俟既至諭以成敗誘納

超女與為姻戚以招之超自恃其衆猶無降意俟乃帥

其帳下親往見超

誘音酉降戶江  
翻帥讀曰率

超使人逆謂俟曰從

者過三百人

從才  
用翻

當以弓馬相待不及三百人當以酒

食相供俟乃將二百騎詣超

將即亮翻  
騎奇奇翻

超設備甚嚴俟

縱酒盡醉而還

還而宣翻  
又如字

頃之俟復選敢死士五百人

出獵

復扶  
又翻

因詣超營約曰發機當以醉為限既飲俟陽

醉上馬大呼

呼火  
故翻

手斬超首士卒應聲縱擊殺傷千數

遂平之魏主徵侯還為外都大官是歲吐谷渾復還

舊土

去年吐谷  
渾西奔

資治通鑑卷一百二十四

欽定四庫全書薈要卷七千一百十一

史部

資治通鑑卷一百二十五 宋 司馬光 撰

胡三省 音註

宋紀七

起疆圉大淵獻盡上章攝提格凡四年

太祖文皇帝中之下

元嘉二十四年春正月甲戌大赦 魏吐京胡及山胡

曹僕渾等反二月征東將軍武昌王提等討平之 癸

未魏主如中山 魏師之克敦煌也

敦煌當作姑臧事見一百二十三卷

十六年

沮渠牧犍使人斫開府庫

沮子余翻  
捷居言翻

取金玉及寶

器因不復閉

復扶又  
翻下同

小民爭入盜取之有司索盜不獲

索山客  
翻下同

至是牧犍所親及守藏者告之

藏沮  
浪翻

且言牧犍

父子多蓄毒藥潛殺人前後以百數況復姊妹皆學左

道

謂學曇無  
識之術也

有司索牧犍家得所匿物魏主大怒賜沮

渠昭儀死并誅其宗族唯沮渠祖以先降得免

祖降亦  
見十六

年又有告牧犍猶與故臣民交通謀反者三月魏主遣

崔浩就第賜牧犍死謚曰哀王 魏人徙定州丁零三

千家於平城

六月魏西征諸將

西征謂討蓋吳之將也將即亮翻

扶

風公處真等八人

處昌呂翻

坐盜沒軍資及虜掠賊各千萬

計並斬之

初上以貨重物輕改鑄四銖錢

元嘉七年鑄四銖錢

見二百二十一卷

民多翦鑿古錢取銅盜鑄上患之錄尚書事

江夏王義恭建議請以大錢一當兩

夏戶雅翻

右僕射何尚

之議曰夫泉貝之興以估貨為本

估音古

事存交易豈假

多鑄數少則幣重

少詩沼翻下同

數多則物重多少雖異濟用

不殊况復以一當兩徒崇虛價者邪

復扶又翻

若今制遂行

富人之貲自倍貧者彌增其困懼非所以使之均壹也

上卒從義恭議

卒子恤  
翻下同

秋八月乙未徐州刺史衡陽

丈王義季卒義季自彭城王義康之貶

義康貶見一百  
二十三卷十七

年遂縱酒不事事帝以書誚責且戒之

誚才  
笑翻

義季猶酣

飲自若以至成疾而終

魏樂安宣王範卒

冬十月

壬午胡藩之子誕世殺豫章太守桓隆之據郡反

胡藩  
家子

豫章欲奉前彭城王義康為主前交州刺史檀和之去官

歸過豫章擊斬之

過工  
禾翻

十一月甲寅封皇子渾為汝

陰王 十二月魏晉王伏羅卒

考異曰宋索虜傳曰  
熹所住屠蘇為疾雷所

擊屠蘇倒見歷殆死左右皆號泣晉王獨  
不悲熹怒賜死此出于傳聞今從後魏書

楊文德據

葭蘆城

水經注羌水出隴西羌道東南流逕宕昌城  
東西北去仇池五百餘里又東逕葭蘆城西招

誘氏羌武都等五郡氏皆附之

魏取仇池置武都天水  
漢陽武階仇池五郡誘

酉音

二十五年春正月魏仇池鎮將皮豹子帥諸軍擊之

將即

亮翻帥  
讀曰率

文德兵敗棄城奔漢中豹子收其妻子僚屬軍

資及楊保宗所尚魏公主而還

還從宣翻  
又如字

初保宗將叛



保宗叛魏見上卷二十年

公主勸之或曰奈何叛父母之國公主曰

事成為一國之母豈比小縣公主哉魏主賜之死楊文

德坐失守免官削爵土

宋免削之也

二月癸卯魏主如定

州罷塞圍役者

築塞圍見上卷二十三年

遂如上黨誅潞縣叛民二

千餘家徙河西離石民五千餘家于平城

河西當作西河

閏

月己酉帝大蒐于宣武場

建康倣洛都之制築宣武場於臺城北

初劉

湛既誅

湛誅見一百二十三卷十七年

庾炳之遂見寵任累遷吏部尚

書勢傾朝野炳之無文學性彊急輕淺既居選部好詬

詈賓客且多納貨賂士大夫皆惡之

選須絹翻好呼炳報翻惡烏路翻

之留令史二人宿於私宅

尚書令史掌省中文案不當宿尚書私家

為有司

所糾上薄其過欲不問僕射何尚之因極陳炳之之短曰炳之見人有燭盤佳驢無不乞勾選用不平不可一

二

言其罪不可一二數也

交結朋黨構扇是非亂俗傷風過於范

曄所少賊一事耳

言所少者唯不至如范曄作賊一事少詩沼翻

縱不加罪故

宜出之上欲以炳之為丹楊尹尚之曰炳之蹈罪負恩

方復有尹京赫赫之授

復扶又翻引用詩赫赫師尹以諭京尹然詩所謂師尹者乃太

師尹氏也

乃更成其形勢也古人云無賞無罰雖堯舜不能

為治

漢宣帝詔曰有功不賞有罪不誅雖唐虞不能以化治直吏翻

臣昔啟范曄

事見一百

二十三卷

亦懼犯顏苟白愚懷九死不悔

言苟愚懷所欲吐者雖冒

九死猶將言之而不悔

歷觀古今未有衆過籍籍

籍秦昔翻

受貨數百

萬更得高官厚祿如炳之者也上乃免炳之官以徐湛

之為丹陽尹 彭城太守王玄謨上言彭城要無水陸

魏人南寇水行自清入泗陸行自歷城瑕丘皆湊彭城故云要無水陸

請以皇子撫臨州

事夏四月乙卯以武陵王駿為安北將軍徐州刺史

五月甲戌魏以交趾公韓拔為鄯善王

魏書官氏志內入諸姓出大汗

氏改為韓氏鄯上扇翻

鎮鄯善賦役其民比之郡縣當兩大錢

行之經時公私不以為便己卯罷之六月丙寅荊州

刺史南譙王義宣進位司空辛酉魏主如廣德宮

魏主

起殿於陰山比殿成而楊難當來朝因命曰廣德宮

秋八月甲子封皇子彧為

淮陽王

彧於六翻

西域般悅國去平城萬有餘里

據北史般悅當

作悅般般音鉢

遣使詣魏

使疏吏翻

請與魏東西合擊柔然魏主許

之中外戒嚴九月辛未以尚書右僕射何尚之為左

僕射領軍將軍沈演之為吏部尚書 丙戌魏主如陰

山 魏成周公萬度歸擊焉耆大破之焉耆王鳩尸卑

那犇龜茲

龜茲音邱慈

魏主詔唐和與前部王車伊洛帥所

部兵會度歸討西域

車伊洛車師大帥也世附於魏魏封為前部王帥讀曰率和說

降柳驢等六城

說輸芮翻

因共擊波居羅城拔之 冬十月

辛丑魏弘農昭王奚斤卒子它觀襲魏主曰斤闕西之

敗事見一百二十一年罪固當死朕以斤佐命先朝朝直達翻復其

爵邑使得終天年君臣之分亦足矣

分扶問翻

乃降它觀爵

為公 癸亥魏大赦 十二月魏萬度歸自馬耆西討

龜茲留唐和鎮馬耆柳驢戍主乙直伽謀叛伽求和擊

斬之由是諸胡咸服西域復平復扶又翻魏太子朝於

行宮陰山行宮也遂從伐柔然至受降城即漢武帝所築受降城降

戶江不見柔然因積糧於城內置戍而還還從宣翻又如字

二十六年春正月戊辰朔魏主饗羣臣於漠南甲戌復

伐柔然高涼王那出東道略陽王羯兒出西道羯居魏

主與太子出涿邪山邪讀行數千里柔然處羅可汗恐

懼遠遁

處昌呂翻可從  
刊入聲汗音寒

二月己亥上如丹徒謁京陵

三月丁巳大赦募諸州樂移者數千家以實京口

樂音洛

庚寅魏主還平城

夏五月壬午帝還建康

庚寅

魏主如陰山

帝欲經略中原羣臣爭獻策以迎合取

寵彭城太守王玄謨尤好進言

守手又翻  
好呼到翻

帝謂侍臣曰

觀玄謨所陳令人有封狼居胥意

漢霍去病伐匈奴封  
狼居胥禪于姑衍以

臨瀚海

御史中丞袁淑言於上曰陛下今當席卷趙魏

曰檢玉岱宗

封泰山用玉檢

臣逢千載之會願上封禪書

載子亥翻

上時掌翻

上悅淑耽之曾孫也

袁耽見晉成帝紀

秋七月辛未以廣

陵王誕為雍州刺史

雍於用翻

上以襄陽外接關河欲廣其

資力乃罷江州軍府文武悉配雍州

沈約曰晉孝武始于襄陽立雍州并

立僑郡縣至是割荊州之襄陽南陽新野順陽隨五郡為雍州而僑郡縣猶寄寓在諸郡界

湘州入

臺租稅悉給襄陽

九月魏主伐柔然高涼王那出東

道略陽王羯兒出中道柔然處羅可汗悉國內精兵圍

那數十重那掘塹堅守處羅數挑戰輒為那所敗

重直龍翻

掘其月翻塹七艷翻數所以那衆少而堅

少詩疑大軍



將至解圍夜去那引兵追之九日九夜處羅益懼棄輜

重踰穹隆嶺遠遁那收其輜重

重直用翻

引軍還與魏主會

於廣澤略陽王羯兒收柔然民畜凡百餘萬自是柔然

衰弱屏跡不敢犯魏塞

屏必郢翻

冬十二月戊申魏主還平

城 沔北諸山蠻寇雍州建威將軍沈慶之帥後軍中

兵參軍柳元景隨郡太守宗慤等二萬人討之

帥讀曰率

道俱進先是諸將討蠻者皆營於山下以迫之蠻得據

山發矢石以擊官軍多不利

乘高臨下矢石之勢所及過於平原相遇者故軍多

不利先  
悉薦翻

慶之曰去歲蠻田大稔積穀重巖

重直  
龍翻

不可與

之曠日相守也不若出其不意衝其腹心破之必矣乃

命諸軍斬木登山鼓譟而前羣蠻震恐因其恐而擊之

所向奔潰

斬木登山八道並進蠻救首救尾之不服故  
震恐而奔潰若一道而進蠻聚兵據險拒戰

雖欲斬木而登山庸可得乎

二十七年春正月乙酉魏主如洛陽 沈慶之自冬至

春屢破雍州蠻因蠻所聚穀以充軍食前後斬首三千

級虜二萬八千餘口降者二萬五千餘戶

降下  
江翻

幸諸山

大羊蠻憑險築城守禦甚固慶之擊之命諸軍連營於山中開門相通各穿池於營內朝夕不外汲頃之風甚蠻潛兵夜來燒營諸軍以池水沃火多出弓弩夾射之射而亦翻蠻兵散走蠻所據險固不可攻慶之乃置六戍以

守之久之蠻食盡稍稍請降悉遷於建康以為營戶

史言

沈慶之又能持久以弊諸蠻降戶江翻

魏主將入寇二月甲午大獵於

梁川

梁川後魏天平二年置梁城郡於其地領參合旋鴻二縣

帝聞之勅淮泗諸郡

若魏寇小至則各堅守大至則拔民歸壽陽邊戍偵候

不明

偵丑鄭翻

辛亥魏主自將步騎十萬奄至

將即亮翻騎奇寄翻考

異曰宋書是月辛丑南平王鐸進號西平辛巳索虜寇汝南按長歷二月壬辰朔十日辛丑二十日辛亥巳當

作南頓太守鄭琨南頓縣本屬汝南晉惠帝分置南頓郡潁川太守鄭道

隱並棄城走是時豫州刺史南平王鐸鎮壽陽遣將軍

行叅軍陳憲行汝南郡事守懸瓠水經注汝水自汝南上蔡縣東逕懸瓠城

北今豫州刺史汝南郡治汝水枝別左出西北流又屈西東轉又西南會汝水形若懸瓠故以名城瓠戶故翻又

音城中戰士不滿千人魏主圍之三月以軍興減內外

百官俸三分之一魏人晝夜攻懸瓠多作高樓臨城以

射之

射而亦翻

矢下如雨城中負戶以汲施大鉤於衝車之

端以牽樓堞壞其南城

堞達叶翻壞音怪

陳憲內設女牆外立

木柵以拒之魏人填塹肉薄登城

薄迫也塹七艷翻

憲督厲將

士苦戰

將即亮翻

積屍與城等魏人乘屍上城短兵相接憲

銳氣愈奮戰士無不一當百殺傷萬計城中死者亦過

半魏主遣永昌王仁將步騎萬餘驅所掠六郡生口北

屯汝陽

汝陽縣本屬汝南郡江左分立汝陽郡

時徐州刺史武陵王駿鎮

彭城帝遣間使命駿發騎齎三日糧襲之

間古莧翻使疏吏翻騎奇

寄翻  
下同

駿發百里內馬得千五百匹分為五軍遣參軍劉

泰之

考異曰後魏紀作劉坦之今從宋書

帥安北騎兵行參軍垣謙之

田曹行參軍臧肇之集曹行參軍尹定

田曹主營田集曹主安集流散

猶漢之安集掾也時駿為安北將軍謙之等皆府僚也

武陵左常侍杜幼文

晉制王國

置左右常侍各一人

殿中將軍程天祚等將之

將即亮翻

直趨汝陽

趨七

喻翻魏人唯慮救兵自壽陽來不備彭城丁酉泰之等潛

進擊之殺三千餘人燒其輜重

重直用翻

魏人犇散諸生口

悉得東走魏人偵知泰之等兵無繼

偵丑鄭翻

復引兵擊之

復扶  
又翻

垣謙之先退士卒驚亂棄仗走秦之為魏人所殺

肇之溺死天祚為魏所擒謙之定幼文及士卒免者九

百餘人馬還者四百匹魏主攻懸瓠四十二日帝遣南

平內史臧質詣壽陽與安蠻司馬劉康祖共將兵救懸

瓠時南平王鑠領安蠻校尉以康祖為司馬魏主遣殿中尚書任城公乞地

真將兵逆拒之

魏殿中尚書知殿內兵馬倉庫任音壬

質等擊斬乞地真

康祖道錫之從兄也

劉道錫見一百二十三卷十八年從才用翻

夏四月魏

主引兵還

還從宜翻又如字

癸卯至平城壬子安北將軍武陵

王駿降號鎮軍將軍垣謙之伏誅尹定杜幼文付上方

輸作尚方也

以陳憲為龍驤將軍汝南新蔡二郡太守

驤思將翻

魏主遣帝書曰前蓋吳反逆扇動關隴彼復使人就而

誘之丈夫遺以弓矢婦人遺以環釧

復扶又翻誘音酉遺于季翻通使蓋

吳事見上卷二十二年二十三年釧尺絹翻臂環也

是曹正欲譎誑取賂

譎古穴翻誑居

况豈有遠相服從之理為大丈夫何不自來取之而以

貨誘我邊民募往者復除七年是賞姦也

復方目翻

我今來

至此土所得多少孰與彼前後得我民邪彼若欲存劉



氏血食者當割江以北輸之攝守南度

攝收也言收江北守兵南度江

也當釋江南使彼居之不然可善勅方鎮刺史守宰嚴

供帳之具

守式又翻帳當作張音竹亮翻

來秋當往取揚州大勢已至

終不相縱彼往日北通蠕蠕西結赫連沮渠吐谷渾東

連馮弘高麗

事並見前蠕人充翻沮子余翻吐從瞰入聲谷音浴麗力知翻

凡此數國

我皆滅之以此而觀彼豈能獨立蠕蠕吳提吐賀真皆

已死我今北征先除有足之寇

柔然多馬故言其有足

彼若不從

命來秋當復往取之

復扶又翻下復縱復非同

以彼無足故不先討

耳我往之日彼作何計為掘塹自守為築垣以自障也

塹七  
艸翻

我當顯然往取揚州不若彼翳行竊步也

翳於計  
翻蔽也

言隱蔽其  
身而行也

彼來偵諜我已擒之復縱還其人目所盡見

委曲善問之

偵丑  
鄭翻

彼前使裴方明取仇池既得之疾其

勇功已不能容有臣如此尚殺之

事見上卷  
二十年

烏得與我

校邪彼非我敵也彼常欲與我一交戰我亦不癡復非

苻堅何時與彼交戰

觀此魏人猶有憚南兵之心蓋高  
祖之餘威而邊垂諸將猶為有人

也晝則遣騎圍繞夜則離彼百里外宿

騎奇計翻  
離力智翻

吳人

正有斫營伎

伎渠綺翻

彼募人以來不過行五十里天已明

矣彼募人之首豈得不為我有哉彼公時舊臣雖老猶

有智策知今已殺盡

謂謝晦檀道濟輩

豈非天資我邪取彼亦

不須我兵刃此有善呪婆羅門

天竺國有婆羅門善呪術

當使鬼縛

以來耳 侍中左衛將軍江湛遷吏部尚書湛性公廉

與僕射徐湛之並為主上所寵信時稱江徐 魏司徒

崔浩自恃才略及魏主所寵任專制朝權嘗薦冀定相

幽并五州之士數十人皆起家為郡守

朝直遙翻相息亮翻守式又翻

太子晃曰先徵之人亦州郡之選也

先徵之人謂游雅李靈高允等

在

職已久勤勞未答先宜補郡縣以新徵者代為郎吏且

守令治民宜得更事者

守手又翻治直之翻更工衡翻

浩固爭而遣之

中書侍郎領著作郎高允聞之謂東宮博士管恬曰崔

公其不免乎苟遂其非而校勝於上將何以堪之魏主

以浩監祕書事

監工衙翻

使與高允等共譔國記

譔雜免翻誤述也

曰務從實錄著作令史閔湛郝標

郝丑之翻

性巧佞為浩所

寵信浩嘗註易及論語詩書湛標上疏言馬鄭王賈不

如浩之精微

馬融鄭玄王肅賈逵也

乞收境內諸書班浩所註令

天下習業

令習肄浩所注經以為家業

并求勅浩註禮傳

傳直惡翻

令後

生得觀正義浩亦薦湛標有著述才湛標又勸浩刊所

撰國史於石以彰直筆高允聞之謂著作郎宗欽曰湛

標所營分寸之間恐為崔門萬世之禍吾徒亦無噍類

矣

噍才笑翻

浩竟用湛標議刊石立於郊壇東方百步

據水經注

平城西郭外有郊壇

用功三百萬浩書魏之先世事皆詳實列

於衢路往來見者咸以為言北人無不忿恚

北人謂其先世從拓

跋氏來自北荒者恚於避翻

相與譖浩於帝以為暴揚國惡帝大怒

使有司案浩及祕書郎吏等罪狀初遼東公翟黑子有

寵於帝奉使并州

使疏吏翻

受布千匹事覺黑子謀於高允

曰主上問我當以實告為當諱之允曰公帷幄寵臣有

罪首實

首式救翻

庶或見原

原赦也

不可重為欺罔也

重直用翻

中

書侍郎崔覽公孫質曰若首實罪不可測不如諱之黑

子怨允曰君奈何誘人就死地入見帝不以實對帝怒

殺之

誘音酉見賢遍翻

帝使允授太子經及崔浩被收

被皮義翻

太

子召允至東宮因留宿明旦與俱入朝

朝直遙翻

至宮門謂

允曰入見至尊吾自導卿脫至尊有問但依吾語允曰

為何等事也

為於偽翻

太子曰入自知之太子見帝言高允

小心慎密且微賤制由崔浩請赦其死帝召允問曰國

書皆浩所為乎對曰太祖記前著作郎鄧淵所為先帝

記及今記臣與浩共為之然浩所領事多總裁而已

謂摠

其大綱裁其可否也

至於著述臣多於浩帝怒曰允罪甚於浩何

以得生太子懼曰天威嚴重允小臣迷亂失次耳臣曷

問皆云浩所為帝問允信如東宮所言乎對曰臣罪當滅族不敢虛妄殿下以臣侍講日久哀臣欲勾其生耳

勾古大翻

實不問臣臣亦無此言不敢迷亂帝顧太子曰直

哉此人情所難而允能為之臨死不易辭信也為臣不欺君貞也宜特除其罪以旌之遂赦之於是召浩前臨

詰之

詰去吉翻

浩惶惑不能對允事事申明皆有條理帝命

允為詔誅浩及僚屬宗欽段承根等下至僮吏凡百二十八人皆夷五族允持疑不為帝頻使催切允乞更一



見然後為詔帝引使前允曰浩之所坐若更有餘豐

許豐

觀

非臣敢知若直以觸犯罪不至死

觸犯罪謂直書國惡不為尊者諱也

帝怒命武士執允太子為之拜請

為於偽翻下欲為同

帝意解乃

曰無斯人當有數千口死矣六月己亥詔誅清河崔氏

與浩同宗者無遠近及浩姻家范陽盧氏太原郭氏河

東柳氏並夷其族

浩所連姻皆士望也非有憑附屬請之罪以浩故皆赤其族擇耦可不謹

哉餘皆止誅其身繫浩置檻內送城南

檻檻車也後魏刑人必於城南

繫

衛士數十人溲其上

溲所鳩翻小便也

呼聲嗷嗷

嗷五

聞

於行路

聞音問

宗欽臨刑歎曰高允其殆聖乎它日太子

讓允曰人亦當知機吾欲為卿脫死既開端緒而卿終

不從激怒帝如此每念之使人心悸

悸其季翻

允曰夫史者

所以記人主善惡為將來勸戒故人主有所畏忌慎其

舉措崔浩孤負聖恩以私欲沒其廉潔愛憎蔽其公直

此浩之責也至於書朝廷起居言國家得失此為史之

大體未為多違

允言浩死非其罪

臣與浩實同其事死生榮辱

義無獨殊誠荷殿下再造之慈

荷下可翻

違心苟免非臣所

願也太子動容稱歎允退謂人曰我不奉東宮指導者

恐負翟黑子故也初冀州刺史崔曠武城男崔模與浩

同宗而別族

曠士革翻別分也依宋祁國語補音彼列翻

浩常輕侮之由是

不睦及浩誅二家獨得免曠逞之子也

崔逞歸魏為太祖所殺

辛

丑魏主北巡陰山魏主既誅崔浩而悔之會北部尚書

李孝伯病篤

魏北部尚書知北邊州郡

或傳已卒魏主悼之曰李宣

城可惜

李孝伯封宣城公

既而曰朕失言崔司徒可惜李宣城

可哀孝伯順之從父弟也

李順亦為魏主所寵任得罪而死從才用翻

自浩

之誅軍國謀議皆出孝伯寵眷亞於浩 初車師大帥

車伊洛世服於魏

帥所類翻

魏拜伊洛平西將軍封前部王

伊洛將入朝沮渠無諱斷其路

沮渠無諱時屯高昌朝直遙翻斷丁管翻

伊

洛屢與無諱戰破之無諱卒

卒於元嘉二十一年

弟安周奪其子

乾壽兵伊洛遣人說乾壽乾壽遂帥其民五百餘家犇

魏

帥讀曰率

伊洛又說李寶弟欽等五十餘人下之皆送於

魏

說輸芮翻

伊洛西擊焉耆留其子歇守城沮渠安周引柔

然兵間道襲之

間古蒐翻

攻拔其城歇走就伊洛共收餘衆

保馬耆鎮

魏破馬耆以為鎮

遣使上書於魏主言為沮渠氏所

攻首尾八年

元嘉十九年無諱襲據高昌自此與車師相攻使疏吏翻

百姓饑窮無

以自存臣今棄國出奔得免者僅三分之一已至馬耆

東境乞垂賑救魏主詔開馬耆倉以賑之

賑諱忍翻

吐谷

渾王慕利延為魏所逼上表求入保越雋

唐時吐蕃與雲南窺蜀即

此路也蓋自漢武帝開昆明之後後人遂通此路耳雋音髓

上許之慕利延竟不至

上欲伐魏丹陽尹徐湛之吏部尚書江湛彭城太守

王玄謨等並勸之左軍將軍劉康祖以為歲月已晚請

待明年上曰北方苦虜虐政義徒並起頓兵一周沮向

義之心不可

沮在呂翻

太子步兵校尉沈慶之諫曰

時東宮置兵與

羽林等故亦有步兵校尉南史曰高祖永初二年置東宮屯騎步兵翊軍三校尉

我步彼騎其

勢不敵

騎奇計翻

檀道濟再行無功

營陽王景平二年道濟出師元嘉七年至濟上

皆無功而還

到彥之失利而返

見一百二十卷七年

今料王玄謨等

未踰兩將

將即亮翻

六軍之盛不過往時恐重辱王師

重直用翻

上曰王師再屈別自有由道濟養寇自資彥之中塗疾

動

謂彥之目疾大動也

虜所恃者唯馬今夏水浩汗河道流通汎

舟北下碣磔必走滑臺小戍易可覆拔

易以鼓翻

克此二城

館穀弔民

館穀就食敵人所積之穀

虎牢洛陽自然不固比及冬初

比必利翻

城守相接虜馬過河即成擒也慶之又固陳不可

上使徐湛之江湛難之

難乃旦翻

慶之曰治國譬如治家耕

當問奴織當訪婢

治直之翻

陛下今欲伐國而與白面書生

輩謀之事何由濟上大笑太子劭及護軍將軍蕭思話

亦諫上皆不從魏主聞上將北伐復與上書曰彼此和

好日久而彼志無厭

復扶又翻和好呼到翻厭於鹽翻

誘我邊民

誘音酉

今春南巡聊省我民

省悉  
井翻

驅之使還今聞彼欲自來設

能至中山及桑乾川

乾音  
干

隨意而行來亦不迎去亦不

送若厭其區宇者可來平城居我亦往揚州相與易地

彼年已五十未嘗出戶雖自力而來如三歲嬰兒與我

鮮卑生長馬上者果如何哉

觀魏主與帝二書誠有憚  
江南之心大明以後北不

復憚南矣  
長知兩翻

更無餘物可以相與今送獵馬十二匹并氈

藥等物彼來道遠馬力不足可乘或不服水土藥可自

療也秋七月庚午詔曰虜近雖摧挫

謂攻懸瓠不  
克而退也

獸心



靡革比得河朔秦雍華戎表疏

比毗寐翻近也雍於用翻

歸訴困棘

棘急也

改望綏拯

改丘弭翻又去智翻舉踵而望脚跟不著地也

潜相糾結以候

王師為為亦遣間使

為為即蠕蠕南人語轉耳間古覓翻

遠輸誠款誓為

犄角

犄居蟻翻

經略之會實在茲日可遣寧朔將軍王玄謨

帥太子步兵校尉沈慶之鎮軍諮議參軍申坦水軍入

河受督於青冀二州刺史蕭斌

帥讀曰率斌音彬

太子左衛率

臧質驍騎將軍王方回徑造許洛

率所律翻驍堅堯翻騎奇寄翻造七到翻

徐兗二州刺史武陵王駿豫州刺史南平王鐸各勒所

部東西齊舉梁南北秦三州刺史劉秀之震盪汧隴

汧苦

堅翻

太尉江夏王義恭出次彭城為衆軍節度

夏戶雅翻

坦鍾

之曾孫也

申鍾見九十五年晉成帝咸和九年

是時軍旅大起王公妃主

及朝士牧守下至富民各獻金帛雜物以助國用

朝直遙翻

又以兵力不足悉發青冀徐豫二兗六州

二兗南兗北兗也

三

五民丁倩使暫行

三五者三丁發其一五丁發其二倩七政翻

符到十日裝

東

自符到之日以十日為裝束過此期即行

緣江五郡集廣陵緣淮三郡集

盱眙

緣江五郡南東海南蘭陵南琅邪南東莞晉陵也緣淮三郡臨淮淮陵下邳也盱眙音吁怡

又

募中外有馬步衆藝武力之士應科者皆加厚賞有司

又奏軍用不充揚南徐兗江四州

此兗謂南兗州

富民家貲滿

五十萬僧尼滿二十萬並四分借一事息即還建武司

馬申元吉引兵趨碣礮乙亥魏濟州刺史王買德棄城

走

魏明元帝泰常八年置濟州於碣礮城趨七喻翻濟子禮翻考異曰宋畧云虜濟州刺史王淮敗走虜

文解王淮傳示列戍今從宋書

蕭斌遣將軍崔猛攻樂安魏青州刺史

張淮之亦棄城走

樂安千乘博昌之地唐青州千乘縣此時樂安郡也

斌與沈慶

之留守碣礮使王玄謨進圍滑臺

考異曰宋畧九月庚申玄謨前軍次白

馬與虜充州刺史歌得跋戰破  
之玄謨進攻滑臺今從宋書

雍州刺史隨王誕

雍於用翻

遣中兵參軍柳元景振威將軍尹顯祖奮武將軍曾方

平

南史作魯方平參考水經作魯為是

建武將軍薛安都略陽太守龐法

起將兵出弘農

龐皮江翻將即亮翻

後軍外兵參軍龐季明年七

十餘自以關中豪右請入長安招合夷夏

夏戶雅翻

誕許之

乃自貲谷入盧氏盧氏民趙難納之

貲谷在盧氏縣南山之南盧氏縣漢

屬弘農郡晉分屬上洛郡唐屬虢川

李明遂誘說士民

誘音酉說輸尚翻

應之者

甚衆安都等因之自熊耳山出

熊耳山在盧氏故縣東

元景引兵

繼進豫州刺史南平王鑠遣中兵參軍胡盛之出汝南

梁坦出上蔡向長社

考異曰鑠傳作到坦之令從宋畧

魏荊州刺史魯

爽鎮長社棄城走爽軌之子也

軌魯宗之子

幢主王陽兒擊

魏豫州刺史僕蘭破之

軍有幢主隊主總一軍者謂之軍主僕蘭亦姓拓拔魏書官氏

志內入諸姓僕蘭氏改為僕氏幢傳江翻

僕蘭犇虎牢

虎牢魏豫州刺史治所也

鑠又遣

安蠻司馬劉康祖將兵助坦進逼虎牢魏羣臣初聞有

宋師言於魏主請遣兵救緣河穀帛魏主曰馬令未肥

天時尚熱速出必無功若兵來不止且還陰山避之國

人本著羊皮袴何用綿帛

國入謂同自北荒來之種人也著陟畧翻

展至十

月吾無憂矣

展寬也

九月辛卯魏主引兵南救滑臺命太

子晃屯漠南以備柔然吳王余守平城庚子魏發州郡

兵五萬分給諸軍王玄謨士衆甚盛器械精嚴而玄謨

貪愎好殺

愎弼力翻好呼到翻

初圍滑臺城中多茅屋衆請以火

箭燒之

杜佑曰以小瓢盛油冠矢端射城樓櫓板木上瓢敗油散因燒矢內簳中射油散處火立燃復

以油瓢續之則樓櫓盡焚謂之火箭

玄謨曰彼吾財也何遽燒之城中即

撤屋穴處

處昌呂翻

時河洛之民競出租穀操兵來赴者日

以千數

操千高翻

玄謨不即其長帥而以配私暱

即就也言不能就其

長帥而用之使各為部隊而以其人分配私所愛暱者長知兩翻帥所類翻暱尼質翻

家付匹布

責大梨八百由是衆心失望攻城數月不下聞魏救將

至衆請發車為營玄謨不從

玄謨豈不知為車營可憑而戰哉蓋于時已有走心

矣冬十月癸亥魏主至枋頭使關内侯代人陸真夜與

數人犯圍潛入滑臺撫慰城中且登城視玄謨營曲折

還報乙丑魏主渡河衆號百萬鞞鼓之聲震動天地

部鞞

迷翻玄謨懼退走魏人追擊之死者萬餘人麾下散亡略

盡委棄軍資器械山積先是玄謨遣鍾離太守垣護之

以百舸為前鋒據石濟

鍾離縣漢屬九江郡晉屬淮南郡晉安帝分立鍾離郡屬南兗

州沈約志屬徐州水經曰河水逕東燕縣故城北則有濟水自北來注之注云垣護之守石濟即此處先悉薦

翻舸古我翻守手又翻

在滑臺西南百二十里護之聞魏兵將至

馳書勸玄謨急攻曰昔武皇攻廣固死沒者甚衆

事見一百

一十五卷晉安帝義熙五年六年

况今事迫於曩日豈得計士衆傷疲

願以屠城為急玄謨不從

使玄謨從護之計急攻而得滑臺魏兵隨至固無以善其

後及玄謨敗退不暇報護之魏人以所得玄謨戰艦連



以鐵鎖三重斷河

龍戶黠翻重直  
龍翻斷音短

以絕護之還路河水

迅急護之中流而下每至鐵鎖以長柯斧斷之

斷音短魏

不能禁唯失一舸餘皆完備而返

舸古  
我翻

蕭斌遣沈慶之

將五千人救玄謨

將即  
亮翻

慶之曰玄謨士衆疲老寇虜已

逼得數萬人乃可進小軍輕往無益也斌固遣之會玄

謨遁還斌將斬之慶之固諫曰佛狸威震天下

魏主小  
字佛狸

佛音  
弼

控弦百萬豈玄謨所能當且殺戰將以自弱非良

計也

將即  
亮翻

斌乃止斌欲固守碣磔慶之曰今青冀虛弱

而坐守窮城若虜衆東過清東非國家有也

東過謂越礪礪而過

東入青冀界清東謂清水以東也

礪礪孤絕復作朱修之滑臺耳

朱修之事

見一百二十二卷八年復扶又翻下復召同

會詔使至不聽斌等退師

使疏吏翻

斌復召諸將議之並謂宜留慶之曰閫外之事將軍得

以專之詔從遠來不知事勢節下有一范增不能用

漢引

高帝之言空議何施斌及坐者並笑曰沈公乃更學問

更經也歷

也音工

慶之厲聲曰衆人雖知古今不如下官耳學也

耳學謂雖未嘗目覽書傳能以耳聽人所講說者而學之斌乃使王玄謨戍礪礪申

坦垣護之據清口

清水南通淮北通河此謂清水入河之口水經濟水東北過壽張縣西界

安民亭南汶水從東北來注之注云戴延之所謂清口也

自帥諸軍還歷城

帥讀曰率下同

自此以上皆王玄謨攻滑臺事

閏月龐法起等諸軍入盧氏斬縣令李

封以趙難為盧氏令使帥其衆為鄉導

鄉讀曰嚮

柳元景自

百丈崖從諸軍於盧氏

百丈崖在溫谷南

法起等進攻弘農辛

未拔之擒魏弘農太守李初古拔薛安都留屯弘農丙

戌龐法起進向潼關

自閏月以下皆柳元景攻關陝事

魏主命諸將分

道並進永昌王仁自洛陽趨壽陽尚書長孫真趣馬頭

沈約曰馬頭郡故淮南當塗縣地晉安帝立馬頭郡因山形而名屬南豫州宋屬徐州將即亮翻趣七喻翻下

同楚王建趣鍾離高涼王那自青州趣下邳魏主自東

平趣鄒山十一月辛卯魏主至鄒山

考異曰宋略云戊子至鄒山今從

後魏書

魯郡太守崔邪利為魏所擒

宋魯郡時治鄒山

魏主見秦

始皇石刻使人排而仆之

秦始皇二十八年上鄒嶧山立石頌德

以太牢

祠孔子楚王建自清西進屯蕭城步尼公自清東進屯

留城

魏收地形志沛郡蕭縣有蕭城彭城郡之留縣有留城

武陵王駿遣參軍馬

文恭將兵向蕭城江夏王義恭遣軍主嵇玄敬將兵向

留城文恭為魏所敗

敗補賣翻

步尼公遇玄敬引兵趣苞橋

欲渡清西沛縣民燒苞橋夜於林中擊鼓魏以為宋兵

大至爭渡苞水

水經注苞水亦曰豐水水上承大薺陂東逕己氏及平樂縣又東逕豐縣故城

南又東合黃水水上舊有梁謂之苞橋沛縣民燒苞橋魏兵溺死之地也又東逕沛縣故城南

溺死者

殆半

自此以上魏主分遣諸將事也

詔以柳元景為弘農太守元景使

薛安都尹顯祖先引兵就龐法起等於陝元景於後督

租陝城險固諸軍攻之不拔

陝失冉翻

魏洛州刺史張是連

提

考異曰宋畧作張是連蹠今從宋書

帥衆二萬度嶠救陝

自洛至陝有三嶠之

險帥讀  
曰率

安都等與戰於城南魏人縱突騎諸軍不能敵

騎奇寄  
翻下同

安都怒脫兜鍪解鎧

鍪音年

唯著絳納兩當衫

著陟

畧翻前當心後當  
背謂之兩當衫

馬亦去具裝瞋目橫矛單騎突陳所

向無前魏人夾射不能中如是數四殺傷不可勝數

去羌

呂翻瞋七人翻陳讀曰陣射  
而亦翻中竹仲翻勝音升

會日暮別將魯元保引兵

自函谷關至魏兵乃退元景遣軍副柳元怙將步騎二

千救安都等

一軍之將謂之軍主副將謂之軍副

夜至魏人不之知明日

安都等陳於城西南

陳讀曰陣

曹方平謂安都曰今勅敵在

前

勅渠京翻

堅城在後是吾取死之日卿若不進我當斬卿

我若不進卿當斬我也安都曰善卿言是也遂合戰元

怙引兵自南門鼓譟直出旌旗甚盛魏衆驚駭安都挺

身奮擊流血凝肘矛折

折而設翻

易之更入諸軍齊奮自旦

至日昃魏衆大潰斬張是連提及將卒三千餘級其餘

赴河墜死者甚衆生降二千餘人

昃阻力翻將即亮翻墜七艷翻降下江翻

明日元景至讓降者曰汝輩本中國民今為虜盡力屈

乃降何也

為於偽翻

皆曰虜驅民使戰後出者滅族以騎蹙

步未戰先死此將軍所親見也諸將欲盡殺之元景曰

今王旗北指當使仁聲先路

先悉薦翻

盡釋而遣之皆稱萬

歲而去甲午克陝城龐法起等進攻潼關魏戍主婁須

棄城走法起等據之關中豪桀所在蠶起及四山羌胡

皆來送款

關中之地四面阻山時羌胡皆依山而居自為聚落

上以王玄謨敗退

魏兵深入柳元景等不宜獨進皆召還元景使薛安都

斷後

斷丁管翻

引兵歸襄陽詔以元景為襄陽太守

此以上柳元景

攻闕陝事魏永昌王仁攻懸瓠項城拔之帝恐魏兵至壽陽



召劉康祖使還癸卯仁將八萬騎追及康祖於尉武

將即

亮翻騎奇計翻

考異曰宋畧及南平王鑠傳皆作尉

氏按康祖傳云去壽陽裁數十里然則非尉氏也今從

康祖及索虜傳作尉武

今按沈約志秦郡有尉氏縣

秦郡治堂邑屬南兗州非南平王鑠所統其地又不在

壽陽北數十里溫公之考覈精矣按北史

康祖有衆八

拓拔嶮傳尉武亭名劉康祖戰死於此

千人軍副胡盛之

幢隊軍皆有主副

欲依山險間行取至

間古覓翻

取至謂取至壽陽也

康祖怒曰臨河求敵遂無所見幸其自送奈

何避之乃結車營而進下令軍中曰顧望者斬首轉步

者斬足魏人四面攻之將士皆殊死戰自旦至晡殺魏

兵萬餘人流血沒踝

踝胡丸翻  
足踝也

康祖身被十創

被皮義  
翻創初

良翻

意氣彌厲魏分其衆為三且休且戰會日暮風急魏

以騎負草燒軍營康祖隨補其闕有流矢貫康祖頸墜

馬死餘衆不能戰遂潰魏人掩殺殆盡

考異曰康祖  
傳云大戰一日

一夜又云虜死者  
大半今從宋畧

南平王鑠使左軍行參軍王羅漢以

三百人戍尉武魏兵至衆欲依卑林以自固羅漢以受

命居此不去魏人攻而擒之鎖其頸使三郎將掌之

三郎

將蓋主內三郎魏謂衛  
士曰三郎將將即亮翻

羅漢夜斷三郎將首

斷丁  
管翻抱鎖

亡奔盱眙

盱眙音怡

魏永昌王仁進逼壽陽焚掠馬頭鍾

離南平王鑠嬰城固守

自此以上魏兵向壽陽事

魏兵在蕭城去彭

城十餘里彭城兵雖多而食少

少詩沼翻下同

太尉江夏王義

恭欲棄彭城南歸安北中兵參軍沈慶之以為歷城兵

少食多欲為函箱車陳以精兵為外翼奉二王及妃女

直趨歷城

陳讀曰陳趨七喻翻

分兵配護軍蕭思話使留守彭城

太尉長史何勗欲席卷奔鬱洲

東海郡贛榆縣東海中有鬱洲今東海軍是其

地泰始三年於此僑立青州齊梁為青冀二州刺史治所卷讀曰捲鬱音聿

自海道還京師

義恭去意已判

判亦決也

惟二議彌日未決

沈慶之之議自彭城趨歷城猶

曰主於進何易之議則主於奔退耳

安北長史沛郡太守張暢曰若歷城

鬱洲有可至之理下官敢不高贊

時沛郡治蕭城張暢以安北長史帶沛郡

太守高抗也贊助也言抗聲以助決其議也

今城中乏食百姓咸有走志但

以關扃嚴固欲去莫從耳

扃古熒翻外閉之關也此言門守嚴固百姓無從得去

一旦動足則各自逃散欲至所在何由可得令軍食雖

寡朝夕猶未窘罄

窘渠預翻

豈有捨萬安之術而就危亡之

道若此計必行下官請以頸血汚公馬蹄

汚烏故翻

武陵王

駿謂義恭曰阿父既為總統去留非所敢干

義恭頓彭城為諸軍

節度故曰總統阿讀從安入聲

道民忝為城主而委鎮奔逃實無顏復

奉朝廷

義恭於駿諸父也駿小字道民徐州刺史治彭城故曰城主復扶又翻

必與此城

共其存沒張長史言不可異也義恭乃止壬子魏主至

彭城立氈屋於戲馬臺以望城中

戲馬臺在彭城城南其高十仞廣袤百步

項羽所築也

馬文恭之敗也隊主蒯應沒於魏

此上蕭城之敗也蒯苦怪

翻魏主遣應至小市門求酒及甘蔗

甘蔗說文所謂諸蔗也生於南方北

人嗜之蔗之夜翻

武陵王駿與之仍就求橐駝

韋昭曰橐駝背肉似橐而善負

物顏師古曰言能負橐而馱物故曰橐駝爾雅翼駝外國之奇畜背有兩封如鞍其足三節色蒼褐負物至千觔日三百里凡欲搭載必先屈足受之所載未盡其量終不起古語謂之橐佗橐囊也佗負荷也今云駱駝蓋

索音轉明日魏主使尚書李孝伯至南門餉義恭貂裘餉

駿橐駝及騾

騾盧戎翻驢父馬母堅耐健走

且曰魏主致意安北可慙出

見我

暫同

我亦不攻此城何為勞苦將士備守如此駿

使張暢開門出見之曰安北致意魏主常遲面寫

遲直利翻

待但以人臣無境外之交恨不慙悉

悉詳盡也言恨不慙時得詳盡所懷

也備守乃邊鎮之常悅以使之則勞而無怨耳

易兌卦彖辭曰

悅以先民  
民忘其勞  
魏主求甘橘及借博具皆與之復餉氈及九

種鹽胡豉

孝伯傳曰凡此諸鹽各有所宜白鹽食鹽主上日所食黑鹽療腹脹氣滿末之六銖以酒

而服胡鹽療目痛戎鹽療諸瘡赤鹽駁鹽馬齒鹽四種並非食鹽豉是義翻說文曰配鹽幽赤也胡豉胡人所造亦與菽同豆也復扶又翻種章勇翻又借樂器義恭應之曰受任戎行

行戶剛翻不齎樂具孝伯問暢何為忽忽閉門絕橋暢曰二

王以魏主營壘未立將士疲勞此精甲十萬恐輕相陵

踐故閉城耳待休息士馬然後共治戰場刻日交戲

左傳

晉楚將戰於城濮楚令尹子玉遣使謂晉曰請與君之士戲踐息演翻治直之翻

孝伯曰賓有

禮主則擇之

左傳魯大夫羽父語薛侯之言

暢曰昨見衆賓至門未為

有禮魏主使人來言曰致意太尉安北何不遣人來至

我所彼此之情雖不可盡要須見我小大知我老小觀

我為人若諸佐不可遣亦可使僮幹來

諸佐謂佐吏也僮幹則給使令

者耳魏主此言猶知來為有人

暢以二王命對曰魏主形狀才力久為

來往所具李尚書親自銜命不患彼此不盡故不復遣

使

復扶又翻下無復同

孝伯又曰王玄謨亦常才耳南國何意作

如此任使以致奔敗自入此境七百餘里主人竟不能



一相拒逆鄒山之險君家所憑前鋒始接崔邪利遽藏  
入穴諸將倒曳出之

鄒山多石穴土人謂穴為罅相率入保藏以避兵故孝伯云然魏

主賜其餘生今從在此暢曰王玄謨南土偏將不謂為  
才但以之為前驅大軍未至河冰向合玄謨因夜還軍  
致戎馬小亂耳崔邪利陷沒何損於國魏主自以數十  
萬衆制一崔邪利乃足言邪知入境七百里無相拒者  
此自太尉神筭鎮軍聖略

武陵王駿降號鎮軍將軍

用兵有機不用

相語

語牛倨翻

孝伯曰魏主當不圍此城自帥衆軍直造瓜

步

瓜步山在秦郡尉氏縣界尉氏隋改為六合縣南北對境圖曰今桃葉山即瓜步鎮之地帥讀曰率造七

到翻

南事若辦彭城不待圍若其不捷彭城亦非所須也

我今當南飲江湖以療渴耳暢曰去留之事自適彼懷

若虜馬遂得飲江便為無復天道先是童謠云

先悉薦翻

虜

馬飲江水佛狸死卯年

佛音弼

故暢云然暢音容雅麗孝

伯與左右皆歎息孝伯亦辯贍且去謂暢曰長史深自

愛相去步武

舉足而行曰步足跡曰武

恨不執手暢曰君善自愛冀

蕩定有期君若得還宋朝今為相識之始

兵交使在其間史言行人

善於辭令亦足以增國威朝直遙翻

上起楊文德為輔國將軍引兵自漢

中西入搖動汧隴

汧苦堅翻

文德宗人楊高帥陰平平武羣

氏拒之

帥讀曰率

文德擊高斬之陰平平武悉平

陰平縣漢屬廣漢屬

國晉泰始中置陰平郡劉蜀分陰平置平廣縣晉太康元年更名平武陰平平武皆令龍州地也宋白曰陰平

今文州平武令龍州

梁南秦二州刺史劉秀之遣文德伐啖提氏

不克執送荊州使文德從祖兄頭戍葭蘆

啖徒覽翻又徒濫翻從才

用翻

丁未大赦

魏主攻彭城不克十二月丙辰朔引

兵南下使中書郎魯秀出廣陵高涼王那出山陽永昌

王仁出橫江所過無不殘滅城邑皆望風奔潰戊午建

康纂嚴已未魏兵至淮上

考異曰魏本紀云丁卯至淮按宋畧已未虜至淮西宋

本紀乙丑胡崇之等敗今從之上使輔國將軍臧質將萬人救彭城

將即

亮至盱眙魏主已過淮盱眙音怡質使冗從僕射胡崇之

積弩將軍臧澄之營東山

冗而隴翻從才用翻考異曰序傳作藏澄之今從帝紀

質傳作澄之

建威將軍毛熙祚據前浦

東山前浦皆在盱眙城左右東山在今盱

眙城東南東山之北則高家山高家山之東則陡山稍南則都梁山都梁山之東北則古盱眙城城臨遇明河

又東逕楊茅澗口又東逕富陵河口則君山質營於城

魏太武作浮橋於此自此渡淮稍東則龜山

南

考異曰宋畧云質屯  
盱眙城北今從宋書

乙丑魏燕王譚攻崇之等三

營皆敗沒質按兵不敢救澄之燾之孫

藏燾高祖敬  
皇后之兄

熙

祚修之之兄子也

毛修之從高祖為將青泥  
之敗沒於赫連後入於魏

是夕質軍

亦潰質棄輜重器械單將七百人赴城

重直用翻  
將即亮翻

初盱

眙太守沈璞到官

盱眙縣前漢屬臨淮郡後漢屬下邳  
國晉復屬臨淮郡晉安帝分立盱眙

郡令為  
招信軍

王玄謨猶在滑臺江淮無警璞以郡當衝要乃

繕城浚隍積財穀儲矢石為城守之備僚屬皆非之朝

廷亦以為過及魏兵南向守宰多棄城走或勸璞宜還

建康璞曰虜若以城小不顧夫復何懼

夫音扶復扶又翻

若肉

薄來攻此乃吾報國之秋諸君封侯之日也

薄伯各翻

奈何

去之諸君嘗見數十萬人聚於小城之下而不敗者乎

昆陽合肥前事之明驗也

王尋王邑以百萬敗於昆陽諸葛恪以二十萬敗於合肥

故曰用兵之計攻城最下

衆心稍定璞收集得二千精兵曰足矣及

臧質向城衆謂璞曰虜若不攻城則無所事衆若其攻

城則城中止可容見力耳

見賢遍翻

地狹人多鮮不為患

鮮息

淺翻且敵衆我寡人所共知若以質衆能退敵完城者則

全功不在我若避罪歸都會資舟楫必更相蹂踐

九 蹂人

踐慈  
演翻

正足為患不若閉門勿受璞歎曰虜必不能登城

敢為諸君保之

為於  
偽翻

舟楫之計固已久息虜之殘害古

今未有屠剥之苦衆所共見其中幸者不過驅還北國

作奴婢耳彼雖烏合寧不憚此邪所謂同舟而濟胡越

一心者也

王弼曰同舟而濟則  
胡越何患乎異心

今兵多則虜退速少則

退緩吾寧可欲專功而留虜乎乃開門納質質見城中

豐實大喜衆皆稱萬歲因與璞共守魏人之南寇也不

齎糧用唯以抄掠為資及過淮民多竄匿抄掠無所得

人馬饑乏

抄初交翻

聞盱眙有積粟欲以為北歸之資既破

崇之等一攻城不拔即留其將韓元興以數千人守盱

眙

守言以兵相守也將即亮翻下同

自帥大衆南向由是盱眙得益完

所備

為明年魏主還攻盱眙不克張本帥讀曰率

庚午魏主至瓜步壞民廬

舍

壞音怪

及伐葦為筏聲言欲渡江建康震懼民皆荷擔

而立

荷擔而立急則迸走荷戶可翻又如字擔丁濫翻

壬午內外戒嚴丹陽統

內盡戶發丁

凡八戶見丁無論多少盡發之

王公以下子弟皆從役命



領軍將軍劉遵考等將兵分守津要遊邏上接於湖下

至蔡洲陳艦列營周亘江濱自采石至於暨陽

今太平州當塗

縣北三十里有采石山山下有采石磯暨陽令江陰軍邏郎佐翻艦戶黥翻亘古鄧翻

六七百里

太子劬出鎮石頭總統水軍丹陽尹徐湛之守石頭倉

城吏部尚書江湛兼領軍軍事處置悉以委焉

處昌呂翻

上

登石頭城有憂色謂江湛曰北伐之計同議者少

謂唯江徐

贊北伐之計羣臣之議多不同也少詩沼翻

今日士民勞怨不得無慙貽大

夫之憂予之過也又曰檀道濟若在豈使胡馬至此上

又登幕府山

幕府山在今建康府城西二十五里晉元帝初渡江丞相王導建幕府於其上宋白

曰元帝渡江秣陵荒落以府第居縣北幕府山幕府之名自此南史幕府山在臨沂縣

觀望形勢

購魏主及王公首許以封爵金帛又募人齎野葛酒置

空村中欲以毒魏人竟不能傷

野葛有毒食之殺人

魏主鑿瓜步

山為蟠道於其上設甌屋

考異曰魏帝紀云癸未車駕臨江起行宮於瓜步山蓋

謂此也今從宋書

魏主不飲河南水以橐駝負河北水自隨餉

上橐駝名馬并求和請婚上遣奉朝請田奇餉以珍羞

異味

奉朝請者奉朝會請召而已朝直遙翻

魏主得黃甘即噉之

甘即今之柑噉

徒濫翻又徒覽翻

并大進鄴酒

荊州記曰長沙郡鄴縣有鄴湖周迴二里取湖水為酒酒極甘

美杜佑曰衡州衡陽縣漢鄴縣地孟康曰鄴音零

左右有附耳語者疑食中有

毒魏主不應舉手指天以其孫示竒曰吾遠來至此非

欲為功名實欲繼好息民永結姻援宋若能以女妻此

孫我以女妻武陵王自今匹馬不復南顧

好呼到翻妻七細翻復扶

又竒還上召太子劭及羣臣議之衆並謂宜許江湛曰

戎狄無親許之無益劭怒謂湛曰今三王在阨

謂江夏王義恭

武陵王駿在彭城南平王鑠在壽陽也

詎宜苟執異議聲色甚厲坐散俱

出生卧祖劭使班劍及左右排湛湛幾至僵仆班劍持劍為班列在

車前幾居希劭又言於上曰北伐敗辱數州淪破獨有翻僵居良翻

斬江湛徐湛之可以謝天下上曰北伐自是我意江徐


但不異耳言不持異議也由是太子與江徐不平史言劭於此時已有弑逆

之魏亦竟不成婚考異曰魏帝紀云甲申義隆使獻百牢貢其方物又請進女於皇孫以

求和好帝以師婚非禮許和而不許婚使散騎侍郎夏侯野報之詔皇孫為書致馬通問此皆魏史夸辭今從

書宋

資治通鑑卷一百二十五



總校官庶吉士臣侍朝

校對官檢討臣王坦修

謄錄監生臣張同巽